

陝西通志



第七十三卷

古蹟二

府第

藪澤

園池

郊坰

DS
793
S4555
1735
V.73

陝西通志第七十三卷

古蹟二 府第 園林 郊坰

府第

周

辟廱

在鄠縣東三十里

馬志

鎬京辟廱

詩經大雅

周文王辟廱在長安西

北四十里亦曰璧廱如璧之圓雍之以水象教化流行也詩云於

論鼓鍾於樂辟廱毛萇注云水旋邱如辟廱以節觀者

三輔黃圖

三代學

周立三代之學學書於有虞氏之學典謨之教所以興也

學舞於夏后氏之學文武中也學禮樂於商之學功成治定與已

同也

禮記注

尹喜故宅

寶鷄有尹喜故宅張三丰邱長春馬丹陽王重陽劉綱

樊夫人秦弄玉仙跡往往而在第虎豹熊羆時出伺人有獨角獸

樵者見其卧林間或搏虎而食之食輒餘其半山家每得殘虎以

飽偃曝
談餘

漢

靈金內府

太上皇微時佩一刀長三尺上有銘字難識傳云殷高

宗伐鬼方所作也上皇遊豐沛山中寓居窮谷有人冶鑄上皇息

其旁問曰鑄何器工者笑曰為天子鑄劍慎勿言曰得公佩劔離

而治之即成神器可定天下昴星精為輔佐木衰火盛此為異兆

上皇解七首投爐中劍成殺三牲以釁祭之工問何時得此上皇

曰秦昭襄王時余行陌上一野人授余云是殷時靈物工即持劍

授上皇上皇以賜高祖高祖佩之斬白蛇是也及定天下藏於寶

庫守藏者見白氣如雲出戶狀若龍蛇呂后改庫曰靈金藏惠帝

即位以此庫貯禁兵器名曰靈金內府

三輔
黃圖

太倉 蕭何立太倉漢書高帝本紀在長安城外東南文景節儉太倉之粟

紅腐而不可食

三輔黃圖

武庫

漢書曰武庫以藏禁兵又曰樛里子葬於武庫文穎曰秦惠

王異母弟也師古曰樛里子且死曰葬我必渭南章臺東後百年

當兩天子宮夾我墓漢興長樂在其東未央在其西武庫正且其

上

長安志

辟廱

在長安西北七里漢書河間獻王來朝獻雅樂武帝對之三

雍宮即此禮樂志曰武帝時犍為郡水濱得古磬十六枚劉向說

帝宜興辟廱焉

三輔黃圖

蕭何第

蕭何買田宅必居窮僻處為家不治垣屋曰令後世賢師

吾儉不賢毋為勢家所奪

漢書蕭何傳

王莽為安漢公以故蕭何宅為

安漢公第

長安志

石奮宅

石奮高祖召其姊為美人徙其家長安中戚里漢書石奮傳

古曰於上有姻戚者皆居之故名其里曰戚里

石奮傳注

田子春宅

在漢長安城中孟嘗君孫因諸呂擅權乃入闕圖扶漢

誅諸呂故有是宅

馬志

夏侯嬰宅

惠帝及高后德嬰賜嬰北第第一曰近我以尊異之

漢書

夏侯嬰傳

師古曰北第者近北闕之第嬰最第一也故張衡西京賦云

北闕甲第當道直啓

夏侯嬰傳注

敖倉

漢書曰惠帝六年六月起長安西市修敖倉

長安志

代邸

代王至渭橋太尉勃跪上天子璽代王謝曰至邸而議之閏

月已酉入代邸郡臣從至上議請即天子位代王西向讓者三南

向讓者再遂即天子位羣臣奉天子法駕迎代邸皇帝即日夕入

未央宮

漢書文帝本紀

師古曰郡國朝宿之舍在京師者率名邸

文帝本紀注

三輔解 三輔黃圖曰三輔者主爵中尉及左右內史武帝改曰京

兆尹左馮翊右扶風共治長安中是爲三輔郡皆有都尉又曰京

兆在故城尚冠里馮翊在故城內太上皇廟西扶風在夕陽街北

此其解治之所也錄中尉府在尚官冠里街東京兆府即廢中尉

府也長安志

曾孫郡邸 曾孫雖在襁褓猶坐收郡邸獄而邴吉爲廷尉監治巫

蠱於郡邸憐曾孫之無辜使女徒復作淮陽趙徵卿渭城胡組更

乳養後元二年武帝疾往來長楊五柞宮望氣者言長安獄中有

天子氣上遣使者分條中都官獄繫者輕重皆殺之內謁者令郭

穰夜至郡邸獄吉拒閉使者不得入曾孫賴吉得全漢書宣帝本紀如淳

曰謂諸郡邸置獄也師古曰據漢舊儀郡邸獄治天下郡國上計

者屬大鴻臚此蓋巫蠱獄繫收繫者衆故曾孫寄在郡邸獄宣帝本紀

注

丞相府 平津侯公孫弘自以白衣為丞相乃大開東閣營客館招

延天下士人其外曰欽賢之館以待大賢之士次曰翹材之館以

待大材之士又次曰接士之館以待國士其有德有賢可佐理陰

陽者處之欽賢館其有材堪凡列將軍二千石者居翹材之館其

有一介之善一方之藝者居接士之館所得俸祿以奉之

西京雜記

御史府 漢御史所居曰御史府亦曰御史大夫寺在大司馬門內

無塾其門用梓板不鵲色亦謂之憲臺

杜氏通典

御史府中列栢木常

有野烏數千棲宿其上晨去暮來號曰朝夕烏

漢書朱博傳

太學 在長安城南安門之東杜門之西

關中記

漢太學中有市有獄

三輔舊事

司隸府 司隸府治故府即孝武帝廟也

漢舊儀

保宮 少府官屬有居室武帝更名曰保宮李陵降匈奴以母繫保

宮

長安志○按甘泉宮別有保宮

鴻臚府

王莽以鴻臚府為安定太后宮

長安志

長安厨

發長安厨三太牢具

漢書霍光傳

如淳曰黃圖北出中門有長

安厨謂之厨城門

霍光傳注

蠻夷邸

陳湯斬郅支單于上疏乞垂之藁街蠻夷邸間諸家無言

藁街之在何地者唐都高驛即蠻夷邸在朱雀街西與鴻臚寺近

雍錄

卜肆

司馬季主楚人也卜於長安東市宋忠賈誼同輿而之市游

於卜肆中

史記

霍光第

宣帝賜甲第一區

漢書霍光傳

有甲乙次第故曰甲第

音義

王根第

曲陽侯王根大治第室極其奢僭司隸校尉京兆尹不敢

舉奏馬志

王商第

成都侯商穿長安城引內澧水注第中大陂以行船上幸

商第見穿城引水意恨內衙之

漢書外戚傳

董賢第

哀帝詔將作大匠為賢起大第北闕下重殿洞門木土之

功窮極伎巧柱檻衣以錦綈

漢書董賢傳

細柳倉

在咸陽西三十里漢周亞夫屯軍處

馬志

漢文帝大將軍周

亞夫軍於細柳今呼石徼是也石徼西有細柳倉城東有嘉禾倉

樊噲傳柳中即細柳地也在長安西

三輔故事

服虔曰在長安西北如

淳曰長安細柳倉在渭北近石徼張揖曰在昆明池南今有柳市

是也師古曰匈奴傳云置三將軍軍長安西細柳渭北棘門霸上

此則細柳不在渭北揖說是也

漢書注

物定倉

華州下邽縣南渭河岸上乃漢之物定倉也西京雜記物

定倉收貯五谷各先定其姓物則不浥壞故秦漢隋唐於此置倉

鄉俗語訛為武底倉

馬志

任安宅

漢任少卿以武功小邑無豪右高貲故居武功

賈志

陸賈宅

在永壽縣東南好時鎮

永壽縣志

孝惠時呂太后用事欲王諸

呂畏大臣及有口者賈自度不能爭廼病免以好時田地善往家

焉有五男廼出所使越橐中裝賣千金分其子子二百金令為生

產賈常乘安車駟馬從歌鼓瑟侍者十人詔其子曰與女約過女

女給人馬酒食極飲十日而更

漢書陸賈傳

後漢

如淳宅

漢平帝時賜淳宅於高陵有碑頌節文

賈志

第五倫宅

在三水縣東歸義鄉蒲東社邠志云東漢賜田宅三十

六所此其一也

三水志

張超廬

在華陰縣霧谷後漢張楷字公超結廬此地學者如市又

能為五里霧故稱張超霧市

賈志

晉

殷濟精廬

水經注云陶渠水東南流逕晉漢陽太守殷濟廬今不

可考

賈志

來賓館

苻健永和十年西虜乞沒渾邪遣子入侍置來賓館于平

朔門以懷遠人

長安志

宋

范栢年宅

在南鄭縣梁州記云范栢年漢中人謁宋明帝因語廣

南貪泉栢年對云臣郡有文川武鄉廉泉遜水足以為名相傳范

栢年宅在廉遜之間即此

賈志

沙苑監 在同州東西八十里南北三十里西魏大統二年宇文泰
與高歡戰大破之後於兵立之處建忠武寺令騎士種柳各一株
數及七千至今沙苑有柳樹仍以其地宜六畜置沙苑監豢養隴
右牛羊諸畜以供上方之用故杜甫沙苑行有云左輔白沙如白
水繚以周墻百餘里苑中來牝三千匹豐草青青寒不死集異記
云唐明皇十三載重九獵於沙苑雲際有孤鶴徊翔上親御弧矢
一發而中其鶴帶箭墮而復起及幸蜀遊道觀中視所掛箭道士
徐佐卿題乃上獵沙苑之日也按沙苑在州城南三十里

潛確
類書

煬帝在藩舊宅

武德中賜尚書左僕射蕭瑀所爲少陵原南接終

南北至澆水卽漢鴻固原也宣帝許后葬於此俗號少陵原後瑀
子銳尚襄城公主詔別營主第主辭以姑婦異居有乖禮則因因

陳請乃取園地充主第又辭公主榮戰不欲異門乃併施瑀之院

門長安志

李穆宅 平康坊西北隅隋太師申國公李穆宅其地景龍中爲長

寧公主府及鞠場景雲中廢並毬場散賣與居人長安志

史萬歲宅 長安待賢坊隋北領軍大將軍史萬歲宅其宅初有鬼

怪居者輒死萬歲不信因即居之夜見人衣冠甚偉來就萬歲萬

歲問其由曰我漢將軍樊噲墓近君居廁常苦穢惡幸移他所必

當厚報萬歲許諾因詰殺生人所由曰各自怖而死非我殺也及

掘得骸柩因爲改葬後夜又來謝曰君當爲將吾必助君後萬歲

爲隋將每遇賊便覺鬼兵助已戰必大捷兩京記

田弘宅 永寧坊西門之北有隋兵部尚書田弘宅弘子仁恭德懋

及孫元基並以孝義旌時論美之長安志

威宅亦在長安

廣通倉 在華州隋文帝以長安倉廩尚虛詔以西至蒲陝東至衛
汴水次十三州募丁運米於華州置廣通倉以給長安賈志

唐

尚書省 在朱雀門北正街之東自占一坊雍錄省中有都堂本尚書

令廳事都堂之東吏部戶部禮部三行每行四司左司統之都堂

之西兵部刑部工部每行四司右司統之長安志尚書省東南隅通

衢有小橋相目爲扞項橋言侍御史及殿中久次者至此必扞項

而望南宮也都堂南門道東有古槐垂陰至廣相傳夜深聞絲竹

之音省郎有入相者俗謂之聲音樹祠部呼爲本廳言其清且冷

也因話錄

吏部選院 長安志曰在尚書省之南亦曰吏部南院選人看膀之

所也六典吏部員外郎掌選院謂之南曹注云其曹在選曹之南

故謂之南曹也

錄 雍

禮部南院

吏部選院東禮部南院四方貢舉聚會之所也

志 長安

禮

部南院者即貢院也今世淡墨書進士榜首列爲四字曰禮部貢院者唐世遺則也則唐人已嘗名南院爲貢院矣有列榜之地如

吏部

錄 雍

驥德院

後苑有驥德院禁馬所在韋后入飛龍廐爲衛士斬首蓋

自元武門出宮入廐也

錄 雍

太平公主宅

興道坊有太平公主宅沒官後賜散騎常侍李令問

居

志 長安

李光顏宅

開化坊有李光顏宅穆宗初賜第崇德坊以爲別宅

志 長安

令狐楚宅

按酉陽雜俎楚宅在開化坊牡丹最盛而李商隱詩多

言晉陽里第未詳

長安志○按長安志韓和宅馬終宅沈傳師宅崔垂休宅俱在是坊

劉延景宅

王昕宅

安仁坊有劉延景宅王昕宅延景即寧王憲

之外祖昕即薛王業之舅皆是親王外家甲第並列京城美之

志

元載宅

安仁坊有元載宅

長安志

元載城中南北二甲第又於近郊

起亭榭帷帳什器皆如宿設城南別墅凡數十所婢僕曳羅綺二

百餘人

譚賓錄

載宅有芸輝堂芸輝香草名也出于闐國

杜陽雜編○按長安

志仇兼瓊宅萬春公主宅崔造宅張孝忠宅于頓宅杜佑宅俱在是坊

國子監

在務本坊監東開街若兩坊衛北抵皇城南盡一坊之地

監中有孔子廟貞觀四年立

長安志○按房元齡宅張懋昭宅于德晦宅俱在是坊

蘇勗宅

崇義坊西南隅太子左庶子駙馬都尉蘇勗宅後為英王

園其地湫下無人居

長安志

段秀實宅

崇義坊段秀實宅德宗所賜宣宗大中十年詔秀實崇

義坊宅諸院典在人上計錢三千四百七十五貫宜賜莊宅錢收

贖仍令鴻臚少卿段義楚追貼舍人計會

長安志

寶易直宅

崇義坊有尚書左僕射寶易直宅

長安志

本中書令崔圖

宅祿山盜國王維鄭虔張通皆處賊庭洎克復囚於宣陽里楊國

忠之舊宅崔圖因召於私第令畫各有數壁當時以圖勲貴無一

望其解放運思精巧頗極能事其後皆得寬典其第鬻於易直太

和中畫尚存

明皇雜錄○按崔元暉宅馬懷素宅韋堅宅王承業宅皆在是坊

楊師道宅

長興坊東北隅駙馬都尉楊師道宅其地後分裂左監

門大將軍韓琦尚書刑部侍郎崔元童荆府司馬崔光意等居

長安志

志

杜鴻漸宅

在長興坊鴻漸於長興正深第崇飾門館賦詩曰常願

追禪侶安能挹化源朝士多和之

長安志

張嘉貞宅

在長興坊

馬志

本太常少卿崔日知宅

長安志

馬璘宅

在長興坊

馬志

大曆十四年七月毀元載馬璘劉忠翼之第

天寶中京師堂寢已極宏麗而第宅未甚踰制及安史二逆之後

大臣宿將競崇棟宇無復界限而馬璘之堂尤盛璘卒於軍以喪

歸京師士庶欲觀之假名故吏投刺會弔者數十百人故令撤毀

之自是京師樓榭之踰制者皆毀

德宗實錄

○按元行冲宅王邱宅紀國大長公主宅辛京果宅

韋聿宅漢陽大長公主宅鄭仲宅路隋宅王潘宅史憲中宅鄭顯宅于宗宅俱在是坊

禮賓院

元和九年六月置禮賓院於長興里北

冊府元龜

張說宅

在永樂坊本侍中王德正宅燕公大加修葺

馬志

有僧泓與

說買永樂東南第一宅戒曰此宅西北隅最是旺地慎無於此取

土越月泓至謂說曰此宅氣候忽然索漠甚必恐有取土於西北

隅者公與泓偕行至宅西北隅果有取土坑數處皆深丈餘泓大驚曰禍事令公富貴一身而已更二十年外諸郎君皆不得天年燕公大駭曰填之可乎泓曰客土無氣與地脉不相連今欲填之亦猶人有瘡痍縱以他肉補之終無益也後說子均均皆為祿山委任克復後均賜死均流之

大唐新語

裴度宅

在永樂坊

馬志

唐實錄云度自興元請朝宰相李逢吉之徒

百計隲沮有張權輿者上疏曰度名應圖讖宅據岡原不召而來其旨可見蓋嘗有人與度作讖詞云緋衣小兒垣其腹天上有口被驅逐言度曾征討淮西平吳元濟也又帝城東西橫亘六岡符易乾卦之數度永樂里第偶當五岡故權輿以為詞

長安志○按王璿宅王紹

宅李思忠宅蕭寬宅俱在是坊

魏徵宅

在永興坊封演見聞錄曰徵所居室屋卑陋太宗欲為營

造輒謙不受泊寢疾太宗將營小殿遂輟其材爲造正堂開元中
此堂猶在家人遺火燒之子孫哭臨三日朝士皆赴弔唐傳所載
亦同至白居易傳則又曰李師道上私錢六百萬爲徵孫贖故第
居易時爲拾遺當元和四年建言徵任宰相太宗用殿材成其正
寢後世不能守陛下宜爲賢者子孫贖而還之師道人臣不宜掠
美帝從之若如居易所言則是太宗殿材所造之寢至元和猶在
開元中不曾遭火也特子孫不能保有而貨鬻之耳予詳思其理
開元間所火當是殿材之正寢耳而他屋不皆火也直以清貧之
故子孫盡舉而鬻之居易深探太宗重徵之意欲其還贖使事出
朝廷也至會要所載曰元和四年上嘉魏徵諫諍詔訪其故居質
賣已更數姓上出兩庫錢二百萬贖之以還其家禁其質賣據此
記與居易傳畧同當是會要又欲歸美憲宗不欲出自臣下建請

耳雍錄○按仇士良宅亦在是坊

長寧公主宅

崇仁坊西南隅有長寧公主宅主既承恩盛加雕飾

朱樓綺閣一時絕勝又有山池別院山谷虧蔽勢若自然中宗及

韋庶人數遊於此第留連彌日賦詩飲宴韋氏敗遂奏為觀詞人

名士竟入遊賞

兩京記

禮會院

崇仁坊之西南有禮會院本長寧公主宅公主及駙馬楊

沓交奏割宅向西一半官市為禮會院每公主郡縣主出降皆就

此院成禮

長安志

初開元中置禮會院於崇仁里自兵興以來廢而

不脩

德宗實錄○按蘇瓌宅褚元量宅俱在是坊

李林甫宅

在平康坊本尚書令左僕射衛國公李靖宅景龍中韋

庶人妹夫陸頌所居韋氏敗靖姪孫令問居之後為林甫宅有堂

如偃月每欲排擠大臣即處之思所以中傷者若喜而出即其家

碎矣

長安志○按補遺良宅常溫宅蘭陵公主宅王志愔宅崔泰之宅裴光庭宅張弘靖宅俱在是坊

萬年縣廨

宣陽坊東南隅萬年縣廨去府七里縣門屋宇文愷所

造太平公主降薛紹於縣廨設昏席初以縣門隘狹欲毀之高宗

勅宇文愷所造製作多奇不須毀拆也

長安志

號國夫人宅

在宣陽坊

馬志

貴妃姊號國夫人恩傾一時於宣陽坊

大置第宅棟宇之盛世無與比所居本帝嗣立舊宅帝氏諸子亭

午方偃息於堂廡間忽見一婦人衣黃羅帔衫降自步輦侍婢數

十笑語自若謂帝氏諸子曰聞此宅欲貨其價幾何帝氏諸子降

階言曰先人舊廬所未忍捨語未畢有工數百人登東西廂撤其

瓦木帝氏諸子既不能制乃率家僮挈其琴書委於衢路嘆曰不

才爲勢家所奪古人之戒將見於今日矣與帝氏隙地十餘畝一

無所酬

明皇雜錄

楊鈺與國忠五家於宣陽里甲第洞開僭擬宮掖每

造一堂費逾千萬見制度宏於已者則毀之復造土木之工不捨

晝夜

太真外傳

○按李諫宅竇毅宅韓巨源宅劉布進宅楊務廉宅常叔夏宅單思遠宅李義宅李濂宅鄭惟忠宅鄭元振宅

楊國忠宅高仙芝宅李齊物宅薛平宅韓公武宅席文格宅張議潮宅俱在是坊

于志寧宅

在親仁坊

馬志

後併入相府閑地置府後勅賜貴妃豆盧

氏後左金吾大將軍程伯獻黃門侍郎李高等數家居焉

長安志

郭子儀宅

在親仁坊宅居其坊地四分之一通永巷家人三千出

入者不知其居其里巷負販之人上至簪纓之士出入不問或至

王夫人趙氏愛女方粧梳對鏡公麾下將吏及郎吏皆被召令汲

水持帨視之不異僕隸他日子弟集諫公不應繼之以泣曰大人

功業已成而不自崇重以貴以賤皆遊卧内某等以為雖伊霍不

當如此笑曰爾曹固非所料且吾官馬食粟者五百匹官餼者一

千入進無所往退無所據向使崇垣扃戶不通内外一怨將起

以不臣其有貪功害能之徒成就其事則九族齏粉噬臍莫追今
蕩蕩無間四門洞開雖纔毀無所加也諸子皆服譚實錄

安祿山宅 在親仁坊長安志舊宅在道政坊元宗以其隘陋更於親

仁坊選寬爽之地出內庫錢更造院宇堂皇竄窳周匝帷帳幔幙

充牣其中天寶九載祿山獻俘至京命入新宅祿山故事

馮宿宅 在親仁坊馬志宿從子袞為給事中宅南有山林池亭院多

養鷺鴨及雜禽之數常遣一家人主之謂之鳥省盧氏雜說○按
常規宅鄭萬鈞

宅滕王元嬰宅昌樂公主宅李勉宅歸崇
敬宅西華公主宅李國昌宅俱在是坊

楊憑宅 在永寧坊馬志憑入拜京兆尹治第永寧里功役叢煩謗議

頗謹貶臨賀尉唐書楊憑傳白樂天得楊憑宅竹木池館有林泉之致

因為池上篇窮幽記

王仁皎宅 在永寧坊神龍初李晉居焉繕造廊院稱為甲第勅賜

仁皎 長安志

王鏐宅 在永寧坊鏐子稷進永寧里第宣義亭子時議以鏐因緣

累居大鎮營第華侈既沒而入於官固其所也 長安志

李載義宅 在永寧坊太和五年載義自幽州入朝文宗賜以居第

及米麵錢帛芻籍甚厚 長安志

王鐸宅 在永寧坊 長安志 第中別有書齋退朝獨處其中欣欣如也

三水小牘○按裴行儉宅裴炎宅李輔國宅徐浩宅高郢宅王涯宅李有裕宅白敏中宅張直方宅李聽宅俱在是坊

李晟宅 在永崇坊 馬志 興元元年賜晟永崇里甲第詔宰臣諸郎將

會送是日特賜女樂八人錦綵銀器等令教坊太常脩樂京兆府

供具鼓吹迎導集宴京師以為榮觀 長安志○按常抗宅楊錫宅杜亞宅李賢宅韓弘宅俱在

是坊

庾敬休宅 在昭國坊 馬志 敬休宅屋壁有畫奏樂圖王維常至其處

熟視而笑曰此霓裳羽衣曲第三疊第一折好事者集樂工驗之

無一差者

唐國史補

鄭細相公宅

在昭國坊南門忽有物投瓦礫五六夜不絕乃移於

安仁西門宅避之瓦礫又隨而至經久復歸昭國鄭公飯心釋門

禪室方丈及歸將入丈室蟬子滿室懸絲去地一二尺不知其數

其夕瓦礫亦絕翼日拜相

西陽雜俎

崔瑄宅

柳玘云崔氏居昭國坊宅子孫昌盛衣纓不絕

長安志○按裴子餘

宅李寰宅俱在是坊

渾瑊宅

在進昌坊

馬志

興元元年賜兼賜女樂五人錦綵銀器等宰

臣郎將會送有司脩饌次於李晟焉

長安志○按穆敦信宅孫伏伽宅許國師宅陸餘慶宅元

載別宅義章公主宅俱在是坊

宋璟宅

在大寧坊

長安志

璟宅中造屋悉東西正陽

譚賓錄○按寧王憲宅岐王範

宅陸象先宅王同暉宅李巖宅俱在是坊

薛繪宅在勝業坊兄弟子姪數十人同居一曲姻黨清華冠冕茂

一盛人謂之薛曲

雍錄。按薛王業宅徐堅宅豆盧建宅席豫宅朱巨川宅俱在是坊

張師延宅

在安邑坊

馬志

師延兄弟三人同時三品一宅之中榮戟

齊列時人榮之號三戟張家景龍中司農卿趙履溫居焉

長安志

李吉甫宅

安邑坊有李吉甫宅

長安志

吉甫宅泓師謂其地形為王

杯云玉杯一破無復全至德裕貶其家滅矣

盧氏雜說。按楊執一宅亦在是坊

裴遵慶宅

在昇平坊

馬志

遵慶罷相知選朝廷優其年德令就第注

官自宣平坊榜引士子以及東市兩階時人以為盛事

國史補

柳公綽宅

在昇平坊

馬志

公綽子仲郢每遷官羣烏大集於第之庭

木檠戟皆滿五日而散家人以為候惟除天平軍馬節度後烏不

復集遂卒於鎮

長安志

潘孟陽宅 在昇平坊馬志孟陽盛治第舍帝微行至樂游原望見之

以問左右孟陽懼輟不敢治唐書潘孟陽傳○按魏少遊宅劉沔宅俱在是坊

胡証宅 在修行坊証嶺南節度使在鎮好修劍自奉修行坊第連

亘閭巷議者非之李訓敗衛軍利其貯聲言賈餗匿其家爭入剽

劫長安志

楊收宅 在脩行坊馬志收兄發弟嚴皆顯貴號脩行楊家與靖恭諸

楊相比長安志○按鄭宜遵宅杜從則宅李建宅俱在是坊

十六宅 在安國寺東附苑城為大宅分處十王謂慶忠棣鄂榮儀

台穎永濟也後盛壽陳豐常涼六王又就封入內宅是為十六宅

後以諸孫成長又置百孫院雍錄

崔琳宅 在興寧坊馬志琳祖義元父神慶伯父神基皆為相其父昆

弟之子洎其自出參朝宴者數十人鳴玉啟道自興寧里詣大明

宮冠蓋相望時人屬目

長安志○按姚崇宅王毛仲宅
泉南生宅李愬宅俱在是坊

李綱宅

在永嘉坊綱子孫茂盛四代總麻服同居朝廷美之

長安志○

按張文耀宅常元炎宅申王攝宅成王千里宅
蔡國公主宅實希珍宅涼國公主宅俱在是坊

楊汝士宅

在靖恭坊與其弟虞卿漢公魯士同居號靖恭楊家為

冠蓋盛族

長安志

符璘宅

璘賜靖恭里第藍田田四十頃

長安志

崔彥昭宅

在靖恭坊

長安志

靖恭崔公尚書為樂卿自靖恭宅露冕

從板輿入太常觀者樂之

秦中記○按楊慎交宅王敬從宅常建
宅常渠牟宅吳通鑑集書院史憲誠宅今

州進奏院
俱在是坊

牛僧孺宅

在新昌坊

馬志

牛相新昌宅泓師號為金椀言金或傷庶

可重製本將作大匠康誓宅誓自辨崗阜形勢以其宅當出宰相

後每命相必引領望之宅竟為牛所得

續前
定錄

楊於陵宅 在新昌坊 馬志 楊損家新昌里與路巖第接巖為相欲易

廐以廣第損族仕者十餘人議曰家世盛衰係權者喜怒不可拒

損曰今尺寸土皆先人舊貲非吾等所有安可奉權貴耶窮達命

也卒不與

唐書楊損傳○按於陵子嗣復嗣復子損損宅即於陵所傳也又張仲方宅溫造宅盧弘宣宅路巖宅俱在是坊

殷開山宅

顏師古宅

在敦化坊

馬志

貞觀永徽間太常少卿歐陽

詢著作郎沈越賓亦在此坊殷顏南朝舊族歐陽與沈又江左士

人時人呼此坊為吳兒坊

長安志○按常武宅鄭國夫人宅俱在是坊

程懷直宅

在安業坊貞元十年賜懷直甲第一區妓女一人令歸

滄州初懷直自滄州歸朝德宗賜務本里宅又賜安業里別宅有

池樹林木之盛

長安志

張去奢宅

在安業坊弟去逸去盈同時三品亦號三戟張家

長安志○

按息國公主宅亦在是坊

王鉞宅 在太平坊長安志則天以後王侯妃主京城第宅日加崇麗

御史大夫王鉞有罪賜死縣官簿錄鉞太平坊宅數日不能遍宅

內有自雨亭從簷上飛流四注當夏處之凜若高秋又有寶鈿井

欄不知其價他物稱是封氏見聞記○按舒王元名宅節愍太子妃楊氏宅王源中宅羅言宅裴垣宅俱在

是坊

劉相國宅 在通義坊本文宗朝朔方節度使李進賢舊第後進賢

徙居長興其宅互為他人所有相國以十千稅焉及竄於日南謫

居四年方獲清雪未久復持釣軸或將甲第為獻竟無所受復於

此寓居庭宇不加修飾清風儉德充塞寰宇劇談錄○按李思訓宅楊纂宅崔鉉宅俱

在是坊

裴吳宅 延壽坊東隅駙馬裴吳宅高祖末裴行儉居之自行儉以

前居者輒死行儉卜居有狂僧突入髡其庭中大柳樹中有豕走

出徑入北鄰其家數日暴死盡此宅清宴

兩京言○按此宅亦在是坊

京兆府廨 在光德坊東南隅府內廨宇並隋開皇中制度其後隨

事改作

長安志

崔邠宅 在光德坊邠與弟浙西觀察使鄆金吾大將軍鄆及宰相

淮南節度使鄆皆貴顯同居光德舊第鄆嘗構便齋宣宗聞而嘆

曰崔氏一門孝友可爲士族之法因題曰德星堂後京兆民即其

里爲德星社

長安志○按劉仁軌宅鄆陽公主宅裴珣宅劉崇望宅俱在是坊

閻立本宅

在延康坊

馬志

後申王傳符太元居之西亭有立本畫山

水

長安志

諸王府

寶曆二年以延康坊官宅一區爲諸王府唐朝故事王府

在王京師即合有曹局自天寶以後王不出閣所置寮采過於閒

冗其胥吏數司方共一員至是瓊王府長史裴簡求奏論遂創官

府長安志○按是坊有隋楊素宅

盧懷慎宅 在崇賢坊懷慎居官清儉宅在陋巷屋宇不蔽風雨長安

志○按虎王邕宅寶瑗宅俱在是坊

瓊山縣主宅 在延福坊縣主開元中適慕容氏即吐谷渾之苗裔

富於財產宅內有山池院谿磴自然林木蓊鬱京城稱之長安志○按宣

平府真化府俱在是坊

宗楚客宅 在醴泉坊馬志楚客造第新成皆是文柏為梁沉香和紅

粉以泥壁開門則香氣蓬勃磨文石為堦砌及地看古莫靴者行

則仰仆楚客兄弟配流太平公主就其宅看嘆曰看他行坐處我

等虛生浪死景龍中為中書令韋氏敗斬之朝野僉載

長安縣廨 長壽坊西南隅長安縣廨去府六里長安志○按楊溫宅尉遲敬德宅俱

在是坊

劉道祥宅 在居德坊宅接先天寺據漢園丘舊趾因其高築亭焉

長安志

同昌公主宅 咸通九年同昌公主出降宅於廣化里房櫳戶牖以

衆寶飾之

唐書同昌公主傳。按太華公主宅義陽公主宅韓滉宅岐陽公主宅俱在是坊

李義琰宅 義琰宅至褊隘雖居相位在官清儉竟居方丈之室高

宗聞而嗟嘆遂勅匠作造堂以安靈座焉

長安志

王家富窟 王元寶都中巨豪也常以金銀疊爲屋壁上以紅泥泥

之於宅中置一禮賢堂以沉檀爲軒檻以砮砮甃地面以錦文石

爲柱礎又以銅線穿錢甃於後園花徑中貴其泥雨不滑也四方

賓客所至如歸時人呼爲王家富窟

開元遺事。按富窟及李義琰宅俱未詳坊里姑附之以

俟考

訂

按唐京城中府第最夥如光福坊則有竇參宅魏國公賈耽宅南

公主宅崔倫宅武元衡宅韓愈宅劉伯芻宅李宗閔宅昌樂坊則有屈突通宅安德坊則有蘇萬宅桑道茂宅來庭坊則有王仁祐宅高延福宅梁守謙宅安興坊則有常安石宅朱泚宅通濟坊則有桓彥範宅宣平坊則有李秀宅嚴綬宅羅珣宅鄭朗宅劉遵古宅脩政坊則有張九齡宅常樂坊則有來濟宅張九臯宅和政公主宅郭敬之宅錢徽宅修德坊則有李抱玉宅先行坊則有宇文經野宅魚朝恩宅興化坊則有封德彝宅邠王守禮宅孟溫禮宅懷真坊則有畢構宅唐休景宅常謙宅宣義坊則有張說別宅李逢吉宅豐安坊則有裴寬宅安樂坊則有李希烈宅布政坊則有魏知古宅蕭蒿宅寶璵宅舍利澄宅敦義坊則有李光弼宅大通坊則有竇連山宅安定坊則有第五守進宅休祥坊則有武三思宅永平坊則有宣城公主宅長安公主宅歸義坊則有蜀王秀宅晉寧坊則有李勣宅常機宅義寧坊則有戴至德宅羣賢坊則有昭容上官氏宅懷德坊則有李至道宅雖其事跡湮沒然古人遺趾所托按其坊第皆可考而知也故悉附之

李靖宅 在三原縣宅有古牌斷缺又云自清涼原折而西乃唐李

靖故居其地屬涇陽今從本傳常端符觀李衛公故物記云二年冬端符於三原令坐中揖其羣官有客曰李彥芳是衛公之胄也

其家傳賜書與他服器十餘物俱無恙

賈志

司竹監 在盤屋縣東三十里穆天子傳曰天子西征至元池奏廣

樂三日是曰樂池乃植之竹史記曰渭川千畝竹漢謂秦地有鄠

杜竹林晉地道記司竹都尉治鄠縣其園周一百里以供國用唐

置司竹監丞掌之隋義寧元年唐高祖起兵其第三女平陽公主

舉兵於司竹園號娘子軍

長安志

宋嘉祐中蘇軾至盤屋適冬月司

竹監燒葦園都巡檢柴貽勗左藏以其徒會獵園下軾有詩明設

司竹局以大使典之

馬志

新食堂 在盤屋縣右遺址不存柳子厚撰記云貞元十八年五月

作新食堂於縣內之右始會食也

馬志

蘇尚書宅 在富平縣弘化坊宅門獅腹鐫云明昌元年蘇仲蘇千

明隆慶初耕者獲銀觴於宅隅名如獅腹

賈志

折衝府 在蒲城縣唐建府有五曰相原孝德溫泉宣化懷仁按相

原今之賢相鄉舊管勲貴里者又有崇德善德懷仁各鄉即孝德

宣化懷仁諸府由名也

賈志

伏龍府 在澄城縣南五十里唐置兵之所太宗時太原王榮為伏

龍府折衝

賈志

孫思邈宅 今為僧寺在葭州縣東五里流惠鄉惠政坊啟玉山

長安

志○按宅在今耀州

柳公權宅 在耀州北四十里宅廢今名為柳家原宅旁有公權瘞

筆冢

賈志

桑道茂宅 在乾州道茂所居宅有二栢甚茂曰木盛則土衰土衰

則人病乃埋鐵數十斤其下以制之今城西有道茂遺蹟並祠堂

故址

賈志

古翰坊 在乾州治中為陸宣公草詔之所後人因建坊

乾州志

常應物宅 應物長安人漁陽兵亂流落失職屏居武功相傳渭濱

是其故宅應物有經武功故宅詩

賈志

杜甫草堂

在鄜州南六十里杜甫避難寓此即三川也又州西北

三十里羗村有杜甫窟壁上詩甚多

延安府志

幽陵都督府

在神木縣城西九十里唐開元中置

葭州志

青碌局

在興安州西一百五十步碧鈿青碌諸洞凡二十餘處唐

宋以來歲辦採至明始停閉改為預脩倉今廢

賈志

宋

寇準宅

新說曰府城掖庭街有寇萊公宅中有山池熙熙臺後為

寺號安衆禪院中有萊公祠堂

馬志

种放宅

新說曰府城街後有种太尉宅中有奎鈞慶賜之閣下東

壁繪晉王羲之蘭亭圖西壁繪廬山遠公白蓮社圖

馬志

青蓮堂

新說曰堂在省衙蓮池宋陳堯咨建今改為總庫

馬志

空翠堂

在鄠縣西五里漢陂堤上其中有唐杜甫題漢陂歌石刻

在焉

馬志

空翠堂取杜甫漢陂行絲管咽啾空翠來之句

馬志

在漢陂

北岸宋知縣張伋撰記久而堂廢明嘉靖間御史方新使鄠令王瑞重造前有紫閣後有菱池氣象清幽松竹叢中水磨之聲不絕

賈志

避世堂

在盩厔縣東南二十五里南溪上今廢宋蘇軾序云南溪

之南竹林中新構一茅堂予愛其所處最為深邃故名避世堂有

詩

馬志

寇萊公宅

在下邳城內今晉照寺相傳即其遺址

賈志

凌虛臺

在鳳翔府東宋陳希亮知鳳翔時建判官蘇軾記在府治

後堂壁

名山記

嘯歌堂 在鳳縣宋建取黃庭堅嘯歌山川重之句為名

馬志

勸忠堂 在興安州宋時建久廢明成化十五年州守鄭福構堂積

圖書植花卉瓜蔬為退思宴賓之所今復廢

馬志

望輝堂

在耀州東鑑山年豐則有光如鑑故登此堂以望之

馬志堂

在耀州署後宋皇祐中華原令楊庭見寶鑑山常有光如鑑乃築臺望之臺西即宋時州守園居故有樓亭池臺花竹之盛今盡蕪

沒惟雷簡夫園居詩二十二首石刻存

賈志

思政堂

在乾州公署中宋時本州刺史鄭彥文建

馬志

眉壽堂

在邠州西北隅宋范文正公建臨西湖湖上有古涵亭

寰宇

記

公劉以農事開國邠風葵棗之化流浹至今鑿井耕田野無惰

農歲有高廩為此春酒以介眉壽斯民熙熙然躋和氣之域因以

名堂

范仲淹眉壽堂記

涵亭在雉堞之旁俯觀湖水波濤湧起舟楫往來

一州之偉觀也 邠州志

金

張中孚宅 新說曰府城草場街有金紫光祿大夫張中孚宅中有

頤真堂後為錢監元為利用倉 馬志

眾樂堂 新說曰眾樂堂在興慶池北金朝金紫光祿大夫張中孚

建與賓客晏遊處今廢 馬志

流杯亭 在眾樂堂後金太尉張金紫所構砌石成風字樣曲水流

觴以為祓禊宴樂之所 賈志

元

成德堂 新說曰長安府學成德堂七門八椽高敞雄壯元末已壞

明宣德中建為明倫堂 馬志

文宣堂 在成德堂後貯官書文籍 馬志

雙桂堂 新說曰在京兆景風里至大甲中張浩然二子珪珣同

及第長安令王公有題詩

馬志

趙氏鄉學 在臨潼縣北櫟陽元季工部尚書趙諒建有太史歐陽

元所作碑

馬志

柳塘 在鄠縣南山下元楊奐隱居教授其徒植柳千株有清風閣

讀書堂

馬志

歸來堂 在乾州元楊紫陽先生佚老之所

州志

元岳崧讀書院 在橋頭河卧虎崗元延祐中三聘不起鄉人頌之

曰隱姓埋名岳景山嘗讀書於橋頭河之卧虎崗與蕭顗友善博

學好古嘗著六經四書解自覺不及程朱遂毀之

邵陽志

明

秦王府 在西安府城中之左洪武初命長興侯耿炳文修洪武三

年四月初七日封愍王之國於秦

雍大記

永興郡王府

在秦府西南一里

雍大記

保安郡王府

在秦府之西

雍大記

興平郡王府

在秦府西南二里

雍大記

永壽郡王府

在秦府西南二里有勅建書樓

雍大記

宜川郡王府

在秦府西南三里小池坊

雍大記

臨潼郡王府

在秦府國東城之外洪武中為蒲城郡主府第

雍大記

郃陽郡王府

在秦府東南三里

雍大記

沂陽郡王府

在秦府西北半里

雍大記

酒西草堂

在渭南縣酒水西岸明知府南大吉敷教舊址

賈志

劉孝子故居

在長武縣西南現里成化中旌表里名孝村其灘曰

孝子灘

長武志

周

靈囿 文王囿也在長安西四十里跨今長安鄠縣之境雍勝畧周靈

囿文王囿也詩曰王在靈囿鹿鹿攸伏毛萇注曰囿所以域養禽

獸也天子百里諸侯四十里靈者言文王之有靈德靈囿言道行

於苑囿也孟子曰文王之囿方七十里芻蕘者往焉雉兔者往焉

與民同其利也文王靈囿在長安西南四十二里三輔黃圖

靈臺 在京兆鄠縣周之故臺今鄠縣東五里有鄠宮又東二十五

里有靈囿囿中有臺左傳注周靈臺在長安西北四十里臺高二丈

周囿百二十步三輔黃圖

靈沼 在長安西三十里三輔黃圖王在靈沼於魴魚躍詩經大雅○按朱子集註云臺

下有囿囿中有沼則臺沼並在靈囿中也

獸園

烈士傳云秦王召魏公子無忌不行於是朱亥奉壁一雙詣

秦王王怒使置吏獸園中亥瞋目視獸背血濺於獸面獸不敢動

名山記

上林苑

即秦之舊苑也其故基跨今蓋屋鄠長安咸寧藍田五縣

之境

雍勝畧

蕭相國請曰上林中多空地願令民得田苑中

史記武帝

微行以為道遠勞苦又為百姓所患乃使太中大夫吾邱壽王與

待詔能用算者舉籍阿城以南蓋屋以東宜春以西提封頃畝及

其價值屬之南山以為上林苑東方朔諫秦起阿房而天下亂因

陳泰階六符之事上乃拜太中大夫卒起上林苑故相如請為天

子遊獵之賦稱烏有先王亡是公而奏上林也

水經注

上林苑中廣

長三百里苑中養百獸天子春秋射獵苑中取獸無數其中離宮

七十所容千乘萬騎

漢舊儀

西都則有上林禁苑林麓數澤陂池連

乎蜀漢繚以周墻四百餘里離宮別館三十六所神池靈沼往往

而在

西都賦

上林苑門十二中有苑三十六宮十二觀二十五

關中記

初修上林苑羣臣遠方各獻名果異卉三千餘種其中亦有制爲

美名以標奇麗也

西京雜記

秦之上林其邊際所抵難以詳究水經於

宜春觀曰此秦上林故地也史記載上林所起曰作朝宮渭南上

林苑中先作阿房前殿則宜春觀阿房宮皆秦苑故地也武帝尚

以秦苑爲狹命吾邱壽王舉籍阿城以南盤屋以東宜春以西悉

除爲苑則所拓比秦益大矣以漢唐郡縣言之則盤屋一縣不盡

入苑而鄠杜兩縣悉歸包弁矣其曰舉籍阿城以南而阿城之北

則不在數是其疆境至渭水南岸而極也至揚雄則曰武帝廣開

上林南至宜春鼎湖御宿昆吾長楊五柞並南山北繞黃山瀕渭而東則苑境不止限乎渭南矣蓋謂踰渭而北又向東皆為苑地也此雄之誤也渭北有苑百八十里西向而入扶風周回五百餘里此則渭北之苑也以舊儀黃圖考之自名甘泉苑不名上林苑也當時揚雄但見夫渭南北皆有苑矣而渭北之苑又復有宮如黃山宮之類故誤言之耳東方朔傳壽王所載截自阿城以南元不跨渭此最疆界之可証也張衡賦西京上林曰繞黃山而歛牛首牛首可歛矣而黃山可繞乃據行幸言之非上林位置也

雍錄

承華殿 七月七日上林承華殿齋正中忽有一青鳥從西北方

來南頃王母至

漢武故事

鳳皇殿 宣帝神爵四年鳳皇集上林廼作鳳皇殿以答嘉瑞

長安

平樂館 武帝元封六年夏京師民觀角抵於上林平樂館漢書武帝

本紀平樂館大作樂處西京賦注

蘭館 師古曰漢宮閣疏云上林苑有蘭館蓋蚕繭之所也漢書元后

傳注

上蘭館 師古曰上蘭館名也在上林中漢書元后傳注

涿沐館 宣帝許美人居上林涿沐館敗入飾室中若舍長安志

礪氏館 上求神君舍之上林礪氏館漢書郊祀志如淳曰礪音蹄

鄭氏曰音斯郊祀志注

鹿館 外戚傳成帝許美人在上林鹿館數召入飾室長安志

新臺 上林賦曰登新臺在豐水西北近渭今鄠縣也長安志

清臺 漢志曰武帝造太初曆即上林清臺課候則清臺在上林

苑中矣黃圖曰漢靈臺在長安西北八里漢始曰清臺後更名曰

靈臺郭延生述征記曰長安宮南有靈臺者高十五仞上有張衡所制渾儀相風銅鳥又有銅表題云太初四年造呂圖曰漢舊城外有靈臺北與未央宮對水經亦曰城南漕渠有漢靈臺故延生書其所見亦曰在宮之南也然則漢世城西之上林城南之漕渠皆有候景之臺也或曰清臺或曰靈臺名稱不一耳然銅表之立既在太初即是武帝定曆之初矣至銅渾儀則云張衡所造衡所造地動儀在漢順帝陽嘉四年其時帝都不在長安或者衡儀已成亦分置長安候臺耶

雍錄

蠶室 咸宣怒其吏成信信亡藏上林中宣使郿令將吏卒闌入

上林中蠶室門

長安志

延壽門

平帝迎王皇后自上林延壽門入未央宮前殿

長安志

昆明池 在長安縣西南三十里豐邑鄉觀鵲莊

雍勝畧

昆明池漢

武帝元狩四年穿圖曰上林苑有昆明池

三輔黃圖

越欲與漢用舡

遂乃大修昆明池列觀環之治樓船高十餘丈旗幟加其上甚壯

史記平準書

昆明池漢武習水戰也中有靈沼神池云堯時理水訖停

舟於此蓋堯時已有汙池漢代因而廣深耳

關中記

武帝作昆明池

欲伐昆吾教習水戰因而於上遊戲養魚給諸陵廟祭祀池周回

四十里

西京雜記

昆明池蓋三百二十五頃池中有豫章臺及石鯨刻

石爲鯨魚長三丈每至雷雨常鳴吼鬣尾皆動立石牽牛織女於

池之東西以象天漢

三輔故事

武帝欲通西域爲昆明所閉隔聞昆明

有滇池方三百里鑿此池習水戰期以伐之中有樓船上建樓櫓

又有戈船上施戈矛四角悉垂幡旄旛葆麾蓋照觸涯涘其始鑿

也固以習戰久之乃爲遊玩之地耳三輔故事曰池周三百二十

頃長安志曰今爲民田夫既可爲民田則原非有水之地矣然則

漢時於何取水也長安志引水經曰交水西至石碣武帝穿昆明池所造有石闌堰在縣西南三十二里則昆明之周三百餘頃者用此堰水也

雍錄

豫章觀

武帝造在昆明池中亦曰昆明觀蓋武帝所置桓譚新

論云元帝被疾過求方士漢中送道士王仲都詔問所能曰能忍

寒乃以隆冬盛寒日令袒載駟馬於上林昆明池上環以冰而御

侍者厚衣狐裘寒戰而仲都無變色卧於池上曛然自若即此觀

也

三輔黃圖

昆明池中有龍首船常令宮女泛舟池中張鳳蓋建華旗

作擢歌雜以鼓吹帝御豫章觀臨觀焉

三輔故事

昆靈池

上林有昆靈池

初學記

漢武帝始穿昆靈之池泛翔禽之

舟帝自造歌曲使女伶歌之時日已西傾涼風激水女伶歌聲甚

因賦落葉哀蟬之曲帝息於延涼室夢李夫人授以薝蔔之香

帝驚起而香氣猶著衣冠遂改延涼室為遺芳夢室

拾遺記

百子池 上林有百子池 初學記 戚夫人侍兒賈佩蘭後出為扶風

段儒妻說在宮內時七月七日臨百子池作于闐樂樂闋以五采

縷相羈謂之相連愛 三輔黃圖

積草池 上林苑有積草池池中有珊瑚樹高一丈二尺一本三

柯上有四百六十二條南越王趙佗所獻號為烽火樹至夜景常

煥然 三輔黃圖

薊池 上林苑薊池生薊草以織席 漢武故事

牛首池 濯鷁牛首 上林賦 張揖曰牛首池名也在上林苑西頭師

古曰濯者所以刺舟也鷁即鷁首之舟也 上林賦注 野韭澤即漢牛首

池地在內苑西豐水西北 寰宇記

西陂池 三輔黃圖曰長安有西陂池東陂池郎池皆在上林苑

中

雍太記

飛廉觀

在上林苑武帝元封二年作飛廉神禽能致風氣者身

似鹿頭如雀有角而蛇尾文如豹武帝命以銅鑄置觀上因以為名班固漢武故事曰公孫卿言仙人好樓居於是上於長安作飛

廉觀高四十丈

三輔黃圖

楊祿觀柘觀

班婕妤生子楊祿觀柘觀師古曰二觀並在上林

中

長安志

雲林館包陽館犬臺館當路館鼎郊觀朗池觀博望觀樛木觀便

門觀元華觀益樂觀華元觀明光觀

以上並在上林苑中見三輔黃圖

博望苑

武帝為戾太子立博望苑使通賓客苑在漢長安城外漕

渠之北至唐則為長安縣北五里此特招致賓客之所耳太子之

奔湖也所覆盜城門而出覆盜門者漢城南面東頭第一門也苑

在門外而太子斫門以出則知博望非常居之地也此苑至成帝

始撤去

雍錄

御宿苑

在長安城南御宿川中漢武帝為離宮別館禁御人不得

入往來遊觀止宿其中故曰御宿三秦記云御宿苑出栗十五枚一勝大梨如五勝落地則破其取梨先以布囊承之號曰含消此

園梨也

三輔黃圖

宜春下苑

在京城東南隅

三輔黃圖

宜春之名漢史凡三出有曰宜春

苑者地屬下杜有曰宜春宮者即下杜苑中宮也有曰宜春觀者則在鄠縣雖三其名而實止兩地也東方朔傳曰武帝東遊宜春師古曰宜春在長安城東南又曰杜縣東即唐曲江也又曰宜春近下杜史記秦紀曰子嬰葬二世杜南宜春苑司馬相如從武帝至長楊獵還過宜春奏賦以哀二世其賦曰臨曲江之隍州望南

山之參差末云弔二世持身之不謹今墓蕪穢而不修也合數者言之則二世之所葬相如之所賦漢之曲州唐之曲江皆此下杜之宜春也其苑若宮皆秦創而漢唐因之也至於宜春觀者則在長安之西鄠縣滂漢二水之旁上林故地也說者誤以下杜之宮爲鄠縣之觀則失之矣故師古於東方朔傳明辨之曰在鄠縣者自是宜春觀耳在長安城西豈得言東遊其說極爲允篤貢禹傳元帝用禹言罷宜春下苑以假貧民此則下杜之苑矣故楊雄傳曰雖頗割其三垂以贍貧民者即指元帝所罷之苑也既曰下苑則必別有上苑矣頗割三垂則彼之一垂尚包苑中也耶

雍錄

樂遊苑

樂遊原上有樂遊苑一曰樂遊園去咸寧縣南八里

雍勝畧

宣帝神爵二年春起樂遊苑

漢書宣帝本紀

師古曰三輔黃圖云在杜陵

西北又關中記云宣帝立廟於曲江之北號樂遊按其處則今之

所呼樂遊廟者是也蓋本為樂遊苑後因立廟宣帝紀注宣帝樂遊

廟亦名樂遊原亦名樂遊苑地基最高四望寬敞

兩京新記

黃山苑

雲當朝請數稱病私出多從賓客張圍獵黃山苑中

漢書霍光

傳

袁廣漢園

茂陵富人袁廣漢藏鏹巨萬家僮九百人於北芒巖築

園東西四里南北三里激流注其內構石為山高十餘丈連延數

里養白鸚鵡紫鴛鴦旄牛青兕廣漢後有罪誅没入官為園鳥獸

草木皆徙入上林苑

西京雜記○按北芒巖在今興平即始平原也

御羞苑

漢書武帝元鼎二年初置水衡都尉掌上林苑有五丞屬

官有御羞苑禁圃令丞如淳曰御羞地名在藍田其土肥沃多出

御物可進者師古以為即御宿川非是

賈志

甘泉苑

在淳化縣北車盤嶺

賈志

武帝置緣山谷行至雲陽三百八

十一里西入扶風凡周回五百四十里苑中起宮殿臺閣百餘所

有仙人觀石闕觀鳩鵲觀

三輔黃圖

梨園

即今淳化縣城

賈志

車箱坂下有梨園漢武帝築大一頃樹數

百株青翠繁密望之如車蓋

雲陽宮記

昭祥苑

在甘泉宮西周回十里萬國獻異物皆集此中

洞冥記

西郊苑

漢西郊有苑園林麓藪澤連亘繚以周垣四百餘里

三輔黃圖

思賢苑

西京雜記曰文帝為太子立思賢苑不知苑屬何地

雍文錄

帝為太子立思賢苑以招賓客苑中有堂隍六所客館皆廣廡高

軒屏風帟褥甚麗

博物志

魏

顏斐菜園

斐字文林為京兆守於府下起菜園使吏簡拔鋤治也

魏志

逍遙園

姚興常於逍遙園引諸沙門聽番僧鳩摩羅什演講佛經

起逍遙宮殿庭左右有樓閣高百尺相去四十丈以麻繩大一圍

兩頭各絰樓上會日令二人各從繩上行過以爲佛神相遇

長安志

澄元堂

在逍遙園中鳩摩羅什演經所

長安志

周

華林園

庾子山有華林園馬射賦徐樹穀曰周明帝紀武城二年

三月會羣公列將卿大夫及突厥使者於芳林園賜錢帛各有差

園在長安明矣賦稱歲次昭陽繫辛巳年乃武帝保定元年蓋武

帝初即位踵行故事而史偶失書耳按魏志云芳林園避少帝諱

改曰華林園是則鄴下先有芳林園後周無諱當避而此賦亦改

芳爲華未詳何故

庾子山集

仙人藥園

在漢陰縣南二十五里周地圖云龍子山疊嶂九十二

層上有仙人藥園

賈志

隋

大興苑

開皇元年置

長安志

在宮城之北即唐禁苑也

賈志

芙蓉園

本古曲江文帝惡其名曲改名芙蓉園為其水盛而芙蓉

富也

劉餗小說

芙蓉在京城東南隅有青林重複緣城瀾漫蓋帝城勝

境駕時幸之

景龍文館記

隋營京城宇文愷以京城東南隅地高故闕

此地不為居人坊巷鑿之為池以厭勝之又會黃渠水自城外南來可以穿城而入故隋世遂從城外抱之入城為芙蓉池且為芙

蓉園也

雍錄

西苑

隋煬帝大業元年築西苑周三百里其內為海周十餘里為

方丈蓬萊瀛洲諸山高出水百餘尺臺觀宮殿羅絡山上向背如

神海北有龍鱗渠縈紆注海內緣渠十六院門皆臨渠每院以四品夫人主之堂殿樓觀窮極華麗宮樹秋冬彫落則剪綵爲華葉綴於枝條色渝則易以新者常如陽春沼內亦剪綵爲荷枝菱茨乘輿遊幸則去冰而布之十六院競以散羞精麗相尚求市恩寵上好以宮女月夜數千騎遊西苑作清夜遊曲於馬上奏之

緒世說

西苑池在長安城中

雍大記

唐

禁苑 在宮城之北東西二十七里南北三十三里東接灊水西臨長安故城南連京城北枕渭水苑西即太倉北距中渭橋與長安故城相接東西十三里南北十三里亦隸苑中苑中四面皆有監南面太樂監北面舊宅監東監西監分掌宮中植種及修葺園囿等事又置苑總監領之皆隸司農寺苑中宮亭凡二十四所南面

三門中曰景曜東曰芳林西曰光化東面二門南曰光泰北曰昭
遠西面二門南曰延秋北曰元武北面三門中曰啓運東曰飲馬
西曰永泰

長安志

雍錄曰唐大內有三苑西內苑東內苑禁苑皆在

兩宮北而有分別西內苑並西內太極宮之北東內苑則包大明
宮東北兩面兩內苑北門之外始爲禁苑之南門按程大昌云兩
內苑北門之外始爲禁苑南門非也考長安志則禁苑者其總名
而內苑則在禁苑中如京城之中有宮城故云苑北啓運門南有
內苑是在禁苑景曜門北啓運門南也東內苑後置故加東字以
別之又大昌云大明宮基取禁苑中射殿地爲之則東苑雖在大
明宮東而實總屬禁苑中也故長安志敘禁苑云東接灊水西接
長安故城內苑東內苑相比而列於禁苑中是又不可分稱三苑

也
雍勝

內苑 啓運門之南有內苑北曰重元門東曰東雲龍門西曰西雲龍門自元武門北至重元門一里東西與宮城齊

長安志

南望春亭北望春亭

在禁苑東南高原之上舊記多云望春宮

其東正臨澹水也天寶元年常堅因古迹堰渭水絕澹灞為潭東注永豐倉下以便漕運名廣運潭未幾澹灞二水沙泥衝壅潭不可漕付司農掌之為捕魚之所

雍錄

魚藻池

深一丈在禁苑中貞元十三年詔更淘四尺引灞河天

濠水漲之在魚藻宮後穆宗以觀競渡

雍大記

王建宮詞曰魚藻宮

中鎖翠娥先皇行處不曾過而今池底休鋪錦菱角鷄頭積漸多

先皇德宗也池底張錦引水被之令其光艷透見也德宗亦已奢

矣

雍錄

蚕壇亭

在苑之東皇后祈先蚕之所

長安志

青門亭 去宮城十三里在長安故城之東即邵平種瓜之所長安志

櫻桃園 在禁苑之南又有東西葡萄園賈志

臨渭亭 禁苑內苑有臨渭亭長安志 景龍四年四月甲寅幸臨渭

亭修禊飲舊唐書中宗本紀

桃園亭 去宮城四里隸舊宅監所領長安志

咸宜宮未央宮 禁苑內苑有咸宜宮未央宮二所皆漢之舊宮

也去宮城二十一里唐置都邑之後因其舊址復增脩之宮側有

未央池漢武庫及樗里子墓武宗會昌元年因遊畋至未央宮見

其遺址詔葺之尚有殿舍二百四十九間作正殿曰通光殿東曰

詔芳亭西曰凝思亭立端門命翰林學士裴素撰記隸舊宅監所

領長安志

梨園 在光化門北光化門禁苑南面西頭第一門在芳林景曜

門之西也中宗令學士自芳林門入集於梨園分明拔河則梨園

在太極宮西禁苑之內矣開元二年置教坊於蓬萊宮上自教法

曲謂之梨園弟子至天寶中即東宮宜春北苑命宮女數百人爲

梨園弟子是梨園者按樂之地預教者名爲弟子凡蓬萊宮宜春

院皆不在梨園之內也長安志曰文宗幸北軍因幸梨園又令太

常卿王涯取開元雅樂選樂童按之名曰雲韶樂樂成獻諸梨園

亭帝按之會昌殿此會昌殿即在梨園中矣唐末芳林十哲即自

此門入交中官故十人者冠戴芳林名號如鴻都賦徒也

雍錄

南昌國亭北昌國亭流杯亭 在未央宮北漢之舊址隸舊宅監

所領

長安志

坡頭亭柳園亭月坡毬場亭子青城橋新鱗橋栖雲橋凝碧橋上

陽橋正興亭元沼亭神臯亭七架亭明水園

以上皆內苑所有見長安志

東內苑 南北二里與大明宮城齊東西盡一坊之地南即延政

門北即銀臺門東即太和門

長安志

龍首池

東內苑有龍首池

長安志

元和十三年三月浚龍首池

會要

元宗先天二年三月甲戌帝以旱親往龍首池祈禱有赤蛇自池而出雲霧四布應時雨

實錄

靈符應聖院

在龍首池東

長安志

凝碧池

在東內苑

雍大記

祿山亂逆徒張樂於此樂工雷海清不

勝憤擲樂器慟哭王維陷賊被拘僧寺聞之為詩曰萬戶傷心生

野煙百官何日再朝天秋槐落葉深宮裏凝碧池頭奏管絃

雍錄

永寧園

在永寧坊賜祿山永寧園為邸又賜永穆公主化觀為滿

燕地

長安志

奉誠園

司徒兼侍中馬燧宅在安邑里燧子少府監暢燧貲甲天

下暢亦善殖財貞元末神策尉楊志虔諷使納田產遂獻舊第爲

奉誠園

長安志

裴向竹園

在新昌坊元和中宰相武元衡遇害或告匿於新昌坊

向之竹林者

長安志

度支亭子

在永達坊輦下歲時記新進士牡丹宴在永達亭子

長安志

志

家令寺園

在昌明坊貞觀中日南王入朝詔於此營第尋還國宅

遂廢復爲園

長安志

馬璘池亭

在崇賢坊璘卒池亭入官貞元後羣臣多賜宴於此

長安志

志

郭子儀園

在大安坊後爲岐陽公主別館

長安志

曲江池 去咸寧縣南一十里本秦隄州漢之宜春下苑也

雍勝畧

曲

江池其水曲折有似廣陵之江故名之

寰宇記

朱雀街東第五街皇

城之東第三街昇道坊龍華尼寺南有流水屈曲謂之曲江

西京記

曲江開元中疏鑿遂爲勝境其南有紫雲樓芙蓉園其西有杏園

慈恩寺花卉環周煙水明媚都人遊玩盛於中和上巳之節綵幄

翠幃匝於堤岸鮮車健馬比肩擊轂上巳賜宴臣僚京兆府大陳

筵席長安萬年兩縣以雄勝相較錦繡珍玩無所不施百辟會於

山亭恩賜太常及教坊聲樂池中備綵舟數隻唯宰相三使北省

官與翰林學士登焉傾動皇州以爲盛觀入夏則菰蒲蔥翠柳陰

四合碧波紅渠湛然可愛好事者賞芳辰翫清景聯騎攜觴疊疊

不絕

劇談錄

曲江燕唐初設以慰下第舉人其後弛廢而進士會同

年於此開元時造紫雲樓於江邊至期上率宮嬪垂簾觀焉命公

鄉士庶人醺各携妾妓以往倡優緇黃無不畢集先期設幕江邊
是日商賈皆以奇貨麗物陳列豪客園戶爭以名花布道進士乘
馬盛服鮮制子弟僕從隨後率務華侈都雅推同年俊少者為探
花使有匿花於家者罰之開元天寶間旁有殿宇安史亂後盡圯
廢文宗覽杜甫詩云江頭宮殿鎖千門細柳新蒲為誰綠因建紫
雲樓落霞亭歲時賜宴又詔百司於兩岸建亭館春明退朝錄曲江亭
在府城東曲江池西南名山記

杏園 曲江池西即杏園玉海大中元中正月勅進士放榜後杏園依

舊宴集會要

常曲 在咸寧縣南二十里樊川唐韋安石別業林石花亭號為勝

地雍勝畧

常曲花無賴家家惱殺人杜甫詩

杜曲 在啟夏門外向西少陵原也杜甫詩曰杜曲花光濃似酒雍錄

杜曲去咸寧縣南三十里樊川常曲東十里有南杜北杜杜固謂

之南杜杜曲謂之北杜按二曲名勝之地常杜二家歷代顯宦故

唐人語曰城南常杜去天尺五

雍勝畧

唐岐公佑郊居山水形勝草

木花塢為極勝佑以太保致仕與昆仲時賢遊縱其間

賈志

九曲池

在長安城西興慶池西唐寧王山池院引興慶水西流疏

鑿屈曲連環為九曲池上築土為基疊石為山植松栢有落猿岩

栖龍岫奇石異木珍禽怪獸畢有又有鶴州仙渚殿宇相連左滄

浪右臨漪王與宮人賓客宴飲弋釣其中

雍大記

定昆池

本安樂公主西莊也在京城延平門外景龍初命司農卿

趙履溫為公主疏園植果中列臺榭憑空架迴棟宇相屬又勅將

作監少監楊務廉引水作沼延十數里時號定昆池通典曰安樂

公主恃寵請昆明池中宗不與公主怒自以家財別穿地號曰定

昆景龍中中宗幸焉大

何將軍山林 今謂之塔坡少陵原乃樊川之北原自司馬村起至

此而盡其高三百尺在杜城之東嘉曲之西山林久廢上有寺浮

圖亦廢俗呼為塔坡唐杜甫題何將軍山林有詩馬志

逍遙公別業 帝嗣立東山之側有別業焉上聞而賞之乃命千官

飲乎池上即席拜逍遙公名其居曰清虛原幽棲谷張說東山記 帝嗣

立構別廬於驪山鳳皇原鸚鵡谷有重崖洞壑飛瀑水中宗臨幸

改為清虛原幽棲谷拜嗣立為逍遙公唐紀

王維別墅 在輞川地奇勝有華子崗欹湖竹里館柳浪茱萸泚辛

夷塢與裴迪遊其中賦詩相酬對白孔六帖 輞川在藍田縣西南二十

里王維別墅在焉本宋之問別園也雍錄 聚遠樓之東有廡廡南有

樓臺逶以朱欄植玉蘭環之題曰木蘭柴小輞川記

大興湯院

藍田西南有地雪落即融唐時有異僧見之曰必溫泉

也已而掘之果然凡病者浴之輒愈後有白魚之瑞神女屢降立

玉女堂於泉側明皇賜名大興湯院

潛確類書

鳳翔府園

有古槐一株故老云昭宗扶此樹令朱全忠結韉四顧

無應者故至今謂手托槐云

聞見後錄

李茂貞園

在鳳翔府城東北五里唐光啓中茂貞節度鳳翔時建

修竹萬竿內有竹閣傍引水灌入深林蘇軾詩云朝遊北城東回

首見脩竹下有朱門家破墻圍古屋

賈志

宋

白氏庄

宋朝奉郎白序之庄中有八題曰揮金堂順牛堂疑夢室

醉吟菴翠屏閣林泉亭辛夷亭崑桂亭當時名公來遊皆有題詠

白序字聖均自言白侍郎後金朝爲石氏園亭疏泉爲方池曲檻

有四銀亭八銀亭至大十年趙尚書過遊有詩後爲故中書陝西

四川宣撫使襄山楊忠肅公祠有碑存焉

馬志

姚氏山亭

宋嘉祐中蘇軾自仙遊潭回至黑水見居民姚氏山亭

絕高可愛復憇其上賦詩

馬志

御花園

在渭南縣花園村舊志謂宋太后所置周處廟碑陰云曹

皇后庄

賈志

飛蓋園

在延安府南宋龐籍遊樂處

賈志

元

胡相別墅

在樊川元中書丞胡恭範年老致仕於杜曲植梅竹引

泉鑿池葺治賓館亭臺以爲幽栖之所左圖右書日與士夫宴飲

爲終焉之計命工繪樊川歸隱圖翰林待制孟攀鱗爲序諸公皆

題詩

馬志

廉相泉園

元至元中平章廉希憲行省陝右愛秦中山水遂於樊

川杜曲林泉佳處葺治廳館亭榭導泉灌園移植漢沔東洛奇花

異卉駐分碁布松檜梅竹羅列成行暇日同姚雪齋許魯齋楊紫

陽商左山前進士邵大用來明之郭周卿張君美樽酒論文彈琴

煮茗雅歌投壺燕樂於此教授李庭之爲記征西參軍畸亭陳還

題詩

馮志

趙氏別墅

元至元甲子宣撫趙公於樊川楊坡就崗原爽塏葬考

妣樹楸竹前建先廟豎豐碑修葺園亭導水灌園以爲別墅因而

家焉自號樊川釣叟中有安適堂歸潛洞趙公泉

馬志

牡丹園

在安化門西杜城北五里元河東北路行省郎中并人李

換卿子信之所葺也信之不喜仕進日涉經史葺園治田樹藝爲

事園植牡丹三四百株他花稱是亭臺旁午每花時遊者車馬闐

玉泉園

在澄城縣西北五十里老樹偃仰怪石巉岩其泉瀕涯而

出瑩潔如玉雖隆冬水芹夾岸泉下又有蔬園藥畦引流灌溉元

西臺御史潘汝劼有詩

賈志

明

最樂園

在長安縣西北隅秦藩築此為遊宴之所中有臺池花榭

選勝行樂非貴客騷人不得遊賞名曰最樂

賈志

西園

在三原縣西北二里有草亭後樂亭三愛圃涵碧池明王端

毅公所營

賈志

三愛圃在王端毅公後樂苑中公有三愛圃說謂淵

明愛菊茂叔愛蓮李唐人愛牡丹已則無愛蓮菊亦嘗居富貴之

地於牡丹亦愛之而不嫌云

馬志

瀑園

明司空南居益建亭池臺榭竹木花卉盡泉原之勝

賈志

斑竹園 在盤屋縣東二十里周數頃餘隸秦府內植斑竹其大如

椽其密如簣

馬志

郊垆



華胥渚 在藍田縣北三十五里伏羲氏母居也今有陵及華胥溝

華胥埧枯棗樹毓聖橋俱存

西安府志

補天臺 在藍田縣東五里許俗傳女媧煉石之所女媧亦華氏所

生

西安府志

流金泊 在涇陽縣北五十里黃帝鑄鼎處帝王世紀云黃帝鑄鼎

於荆山鼎成崩於荆山之陽按閩鄉有鼎湖驛亦傳為黃帝崩處

然此地陽為鼎州其南為湖縣西為冶谷及仙里仙發諸村則鼎

成仙去之跡甚著况明庭橋陵去此最近當以世紀為定

賈志

軒轅柏 在中部縣軒轅廟考之雜記乃黃帝手植物圍二丈四尺

高可凌霄

延安府志

掛甲柏 在中部縣軒轅廟黃帝滅蚩尤歸而掛甲其上至今樹皮

有掛甲痕柏液中出似有斷釘在內老幹細枝痕迹若一

延安府志

造書臺

長安縣西三十里三會寺中有臺即倉頡造書處

雍勝畧

唐

西明寺道律師遂靜在京師城南故靜業寺修道忽有一人來至

律師所致敬申禮律師問今西京高四土臺俗云是倉頡造書臺

如何云隸書字古時已有答曰倉頡於此臺上增土造臺觀鳥跡

者非無其事又有天人姓陸名元暢來謁律師云所問高四土臺

者本迦葉佛於此第三會說法度人至穆王時文殊目連來化穆

王從之即列子所謂化人者是也化人示穆王云高四臺是迦葉

佛說法處因造三會道場至秦穆公時扶風獲一石佛穆公棄馬

坊中穢汚此象公遊上帝極被責疏覺大怖又欲造佛像於高四臺南村內得一老人姓王名安年百八十自云曾於三會道場見人造之臣老無力能作所住村北有兄弟四人曾於道場內爲諸匠執作請追共造依言作之成一銅像公悅大賞賚之彼人得財並造功德於土臺上造重閣高三百尺人號高四臺或曰高四樓

法苑珠林

史官村

在白水縣東北彭衙東二十里村西有利鄉亭今名史官

村史記倉頡居陽武葬衙之利鄉亭南即此

同州志

履跡坪

在邠州城南門外相傳爲姜嫄出祀郊禘履巨人跡於此

雍勝畧

隘巷

在邠州治南相傳生后稷之所詩曰誕置之隘巷牛羊腓字

之即此

雍勝畧

狼乳溝 在邠州南俗傳即平林寒泉之地邠州志 在州東三十里即

棄后稷狼乳處雍勝畧

唐虞

嫫嫫 在興安州之梁州故城虞舜嘗居之謂之嫫墟帝王世紀謂

之姚墟史記曰舜冀州人生姚墟居嫫汭正義曰按嫫州亦冀州

城即今畧陽縣漢志略陽道屬天水郡十三州志曰畧陽即古冀

城也雍勝畧

石紐村 石泉縣石紐村大禹生此石穴杳深人跡不到近世掘地

得古碑有禹穴二字乃李白所書乃知會稽禹穴之誤書蕉○按雍勝畧禹

穴在洵陽縣與此異

釐亭 在郿縣境雍勝畧 后稷封釐釐讀如郿或曰鳳翔府郿縣有台

亭漢書郊祀志注 郿在漆縣其民有會曰以相與夜中市如不為則有災

新論

王恂字少林除郿縣令到官至釐亭長曰亭有鬼數殺過客

不可宿也恂曰仁勝凶邪德除不祥何鬼之避即入亭止宿夜中

聞女子稱冤之聲恂曰有何枉狀可前求理乎女子曰無衣不敢

進恂便投衣與之女子乃前訴曰妾夫爲涪令之官過宿此亭亭

長無狀枉殺妾家十餘口埋在樓下悉盜取財貨恂問亭長姓名

女子曰即今門下游徼者也恂曰汝何故數殺過客對曰妾不得

白日自訴每夜陳冤客輒眠不見應不勝感恚故殺之恂曰當爲

汝理此冤勿復害良善也因解衣於地忽然不見旦召游徼詰問

具服罪即狀繫及同謀十餘人悉伏辜遣吏送其喪歸鄉里於是

亭遂清安

後漢書
王恂傳

三過村

在鄠縣北二十里按地輿志鄠古崇國也連山易云顓頊

五代孫鯨封於崇史記鯨治水功用不成舜殛於羽山舉禹以代
禹痛父罔功八年間三過其門不入今三過村舊傳即其處也鄆縣志

甘亭

在鄆縣西南五里緒漢書在甘水之東長水鄉

長安志

馬融曰

甘有扈氏南郊地名索隱曰夏啓所代鄆南有甘亭

史記夏本紀注

邠亭

公劉徙居邠今邠州東北有豳亭

春秋王朝興廢說

商

亳亭

徐廣曰京兆杜縣有亳亭

史記六國表注

有莘野

在邵陽縣東四十里夏陽村孟子謂伊尹耕於有莘之野

即此

雍勝畧

古公城

在邠州南山上與今州城相連

雍勝畧

官家洞

在三水縣東二十里中領之下即古公時之陶復陶穴者

陶復則土而陶穴則石也峭壁危崖不可攀躋元西臺御史桑哥
失里守官家洞明徐達遣兵逼之勢窮不屈與妻俱投崖下死焉

三水志

雨金原

周成王時咸陽雨金今咸陽有雨金原

述異記

杜郵亭

在咸陽縣西南三十八里白起自刎處

雍勝畧

杜郵亭今名

孝里亭中有白起祠

水經注

幽王城

一名幽王壘在臨潼縣東南戲水上城高八尺周二百八

十步國語曰幽王滅於戲蘇林曰戲邑名也在新豐縣東南三十

里戲亭是也

長安志

烽火樓

在驪山上第一峰

雍勝畧

褒姒不好笑幽王欲其笑舉烽火

諸侯至而無冠乃大笑幽王說之為數舉烽火其後諸侯不信犬

戎攻幽王徵兵莫至遂殺幽王驪山下

史記周本紀

狗枷堡

在藍田西五十里

賈志

白鹿原上有狗枷堡秦襄公時有天

狗來下其上有天狗吠而護之故一堡無懼心

辛氏三秦記

焦穫澤

獾狢匪茹整居焦穫

詩經大雅

焦穫亦名瓠口亦名瓠中在雍

州涇陽縣城北數十里

括地志

爾雅十數周有焦穫郭璞以為池陽

瓠口是也

雍勝畧

說經臺

在藍屋縣樓觀南有臺老子於此說道德經授尹喜又曰

昇天臺臺上有再生栢世傳老子說經於此見二栢枯以針炙之

復生今尚鬱茂人以為靈異

賈志

直市城

在富平縣西南二十五里秦文公造物無二價故以直市

為名

三輔黃圖

雨金堡

在富平縣東南三十里周八百步東有雨金泊史記秦獻

公十六年兩金櫟陽後因名堡按其地古櫟陽界也

長安志

穆公城 在富平縣南三十里南面西面崇一丈五尺東北面無墻

長安志

石鼓 在鳳翔縣南二十里之石鼓原

賈志

石鼓文在鳳翔府天興縣

南石形如鼓其數盈十蓋記周宣王田獵之事即史籀之迹也貞觀中吏部侍郎蘇勗紀其事云虞褚歐陽共稱古妙雖歲久訛缺

遺迹尚有可觀

元和志

今在北京國子監

雍勝畧

授經臺 在鳳翔縣南本終南山峰尹喜既見老子授五千言喜退而書之曰道德經後嘗居此

雍勝畧

野人塢 在鳳翔府城南秦穆公失善馬野人得而食之者三百人

吏捕得欲法之公曰吾聞食善馬肉不飲酒傷人皆賜之酒其後

秦伐晉三百人皆求從報德遂脫穆公於難

名山記

鳳臺 在鳳翔府城南十五里賈志雍有鳳臺秦穆公時有簫史者善

吹簫能致白鵠孔雀穆公女弄玉好之公為作鳳臺以居之積數

十年一旦隨鳳去云雍宮世有簫管之聲焉今臺傾祠毀之不復

然矣

水經注

召公亭

在岐山縣西八里召公村公采邑在此故後人建亭

雍勝畧

雍水東逕召亭南召康公之采邑也

水經注

周城

在岐山縣西北十五里亦曰周公邸邸內有泉時平則流亂

則竭號潤德泉

賈志

岐水之南有周城周城者周公采邑也

水經注

磻溪釣石

即釣臺在寶鷄縣東南磻溪谷中溪邊其石下細上鉅

俯臨溪中故老相傳為太公釣魚處有兩膝所着跡按太公釣魚

臺有三在河南新安城東者一石也今去水數丈許矣在陝西者

二一在咸陽城西土屹然不崩一在寶鷄磻溪谷中石也豈太公

避紂而來初釣新安繼而釣咸陽後則釣於磻溪與其遇文王者

磻溪也馬志

雉城 秦文公時有湯伯者逢兩童子化為雙雉西飛至陳倉其雌

東飛止於此故名潜確類書

平陽亭 在郿縣西北賈志史記秦寧公徙平陽徐廣曰故郿之平陽

亭水經注

白起城 在郿縣東北十五里秦白起家居所築今遺址存雍勝畧

弦蒲 雍州其澤藪曰弦蒲周禮在隴州西四十里按晉地志汧縣有

蒲谷鄉弦中谷即此雍勝畧

扁鵲城 在城固縣西南四十里相傳扁鵲嘗居此雍勝畧

白公城 在洋縣境秦白起守漢中築此城以控制蠻獠雍勝畧

子貢遇丈人處 在漢陰縣境雍勝畧子貢南遊於楚過漢陰見一丈

人方將為圃畦鑿隧而入井抱甕而出灌搨搨然用力甚多而見功寡子貢曰有械於此一日浸百畦用力甚寡而見功多夫子不欲乎為圃者仰而視之曰奈何曰鑿木為械後重前輕繫水若抽數如沃湯其名為槲為圃者忿然作色而笑曰吾聞之吾師有機械者必有機事有機事者必有機心機心存於胃中則純白不脩純白不脩則神生不定道之所不載也吾非不知羞而不為也

莊子

蒼野聚

在商州南一百四十里左傳昭四年楚左師軍於蒼野杜預

注曰在商縣南

商州志

商密

楚鬬克屈禦寇以申息之師戍商密秦人過析隈入而係輿

人以圍商密昏而傳焉宵坎血加書偽與子儀子邊盟者商密人

懼曰秦取析矣戍人反矣乃降秦師

左傳

商密今南鄉丹水縣

杜預注

子夏讀書石室

在飛浮山禮記云退老西河之上即此

鄒陽志

索隱

曰劉氏云今同州河西縣有子夏石室學堂史記仲尼弟子列傳注三累山

南有石室西面有兩石室北面有兩石室皆因阿結牖連扃接闢

東廂石上猶傳杵臼之跡庭中亦有舊宇處北坎室上有微滑石

溜豐周瓢飲似是栖遊隱學之所昔子夏教西河疑即此也水經注

白起社田 在澄城縣北六十里將軍山南有村曰社田相傳為起

食邑澄城志

武城 正義曰括地志云故武城一名武平城在華州鄭縣東十三

里史記魏世家注武城在華州東二十一里又名光武城乃征隗囂時所

築遺跡尚存馬志○按史記注武城在華州東十三里係古華州馮志仍之非也○應從馬志

桃林野 春秋時晉侯使詹嘉守桃林之塞杜預曰苑林潼關是也

書著武王之事曰歸馬於華山之陽放牛於桃林之野孔穎達引

杜預語亦以桃林塞為在關且曰華山之旁尤乏水草非長養牛

馬之地欲使自生自死以示戰時牛馬不復服乘也

齊錄

告平城

在華陰縣敷水之西

賈志

敷水南出石山之敷谷北逕告平

城東耆舊所傳言武王伐紂告太平於此故城得闕名非所詳也

水經注

王宿莊

宜氏族譜云宜氏世居華城東北二十里地曰王宿莊古

傳周太子宜臼廢出奔曾宿渭陽之濱即此暨踐阼後以封庶子

賜姓宜氏

華州志

魯王宮城

在蒲城縣西南四十里大統記曰即魯哀王城也視其

餘迹尚有宮城板築之象今在內政村

長安志

晉太子虛糧寨

在蒲城縣東北六十五里沮水西岸史記晉世家

曰晉穆侯四年娶齊姜氏為夫人七年伐條生太子仇杜預曰條

晉地漢地理志懷德縣禹貢北條荆山在南按今朝邑縣西南有

懷德故城即古條近焉虛糧史傳無聞

長安志

晉城

在蒲城縣東南四十里舊傳晉公子重耳出亡於蒲所築計

公子避難何暇築此傳聞秦孟明敗後晉建城為屯守也

蒲城志

秦

邵平瓜田

在舊長安城東門外今長安縣之西北也

雍勝畧

廣陵人

邵平為秦東陵侯秦破為布衣種瓜青門外瓜美世謂之東陵瓜

水經注

皇子陂

在萬年縣南二十五里

長安志

皇子陂在樊川

水經注

天寒皇

子陂

杜甫詩

陂在啓夏門南三十里陂北原上有秦皇子冢因以為

名隋文帝改曰永安陂周迴九里

寰宇記

蘭池陂

在咸寧縣東二十五里

雍勝畧

始皇引渭水為長池東西二

百里南北二十里築為蓬萊山刻石為鯨魚長二百尺亦曰蘭池

假三
記

文學城 在興平縣東崇二丈五尺十道志曰今謂之故縣城長安志

武學城 在興平縣東一十里崇二丈五尺與文學城相接二城並

秦章邯築長安志

章邯臺 在興平縣東南十里按項羽封章邯為雍王都廢邱故有

此臺焉馬志

跌脚石 在興平縣南十里付寨村俗傳雍王章邯都廢邱聞韓信

修棧道不設備後信兵至邯失計跌脚於此石以悔之有跡存馬志

露臺 臨潼縣驪山東南三十里秦始皇露臺祠在焉不齋戒往者

輒風雨迷道潛確類書

坑儒谷 在臨潼縣西南五里長安志師古曰今新豐縣溫湯之處號

愍儒鄉溫湯西南三里有馬谷谷之西岸有坑古相傳以為秦坑

儒處也

漢書儒林傳注

秦既焚書患苦天下不從而諸生到者拜為郎前

後七百人乃密令種瓜於麗山坑谷中溫處瓜實成詔諸博士諸

生說人人不同乃命就視之為伏機諸生方相難不決因發機從

上填之以土皆壓終乃無聲

衛宏古文尚書序

狠石

在臨潼縣東十里秦始皇陵東南二里形似龜初始皇遠採

此石將致之驪山至此不復動石崇一丈八尺周十八步

長安志

謝聚

在始皇陵北十餘里

關中記

鐘官城

一名灌鐘城在鄠縣東北二十五里秦始皇收天下兵器

銷為鐘鑠處

元和志

華陽

在富平縣東南三十里始皇二十三年李信伐楚敗歸時王

父劉胡病家居始皇疾駕入頻陽手以上將印佩翦身授兵六十萬

頻陽始皇降華陽公主簡宮中麗色百人為媵北迎

翦於途詔即遇處成婚翦行五十里遇焉列兵爲城中堅設錦帳
行合卺禮信宿公主隨翦入都詔頻陽別開主第今名相遇處爲

華陽

賈志

王侯堡

在富平縣西北四十五里即王翦屯兵之所又莊子鎮有

王翦別業

賈志

灰墪

在渭南縣西南五里崇三十尺周一百步俗傳秦始皇焚書

處

馬志

金牛道

在褒城縣境秦五丁所開漢永平中司隸楊厥鑿而廣之

馮志

昔蜀王從卒數千餘獵於褒谷秦惠王亦畋於山中怪而問之

以金一筐遺蜀王及報欺之以土秦王大怒其臣曰此秦得之瑞

秦王未知蜀道乃刻石牛五頭置金於尾下僞如養之者言此天
牛能屎金蜀人見而信之乃令五丁共引牛成道秦知蜀道使張

儀伐之蜀王開戰不勝而亡

十三州志

平舒城

在華陰縣西北六里

括地志

秦始皇使者嘗夜過平舒道有

人持壁遮使者曰爲我遺鎬池君因曰今年祖龍死忽不見

潛確類書

平舒道中是山鬼預言祖龍死處地蓋在華陰縣也其言遺鎬池

君者指上林周武王故都言之也十道志誤認其語遂著鎬池於

華陰則失之矣

雍錄

秦長城

在蒲城東五十里秦築長城即是塹洛也

三秦記

秦孝公九

年作長城簡公二年塹洛今沙苑長城是也

寰宇記

楊侯村

在洛川縣東南六十里即楊班故里

延安府志

赤鴈營

在洛川縣南九十里秦將軍楊班立陣之地因赤鴈落營

故名

延安府志

朔方臺

在綏德州東一里無定河東岸相傳秦太子扶蘇築一臺

扶蘇臺雍勝畧

軹道亭

在漢長安城東十三里

賈志

秦王子嬰素車白馬係頸以組

封皇帝璽符節降軹道旁

漢書高帝本紀

蘇林曰亭名也在長安東十三

里師古曰軹音枳軹道亭在霸成觀西四里

高帝本紀注

灞上

在通化門東三十里灞河西岸漢王元年十月沛公至灞上

子嬰降文帝六年宗正劉禮為將軍次灞上

雍大記

樊鄉

在長安城南

雍錄

樊川即杜之樊鄉也漢祖至櫟陽以將軍樊

噲灌廢邱最賜邑於此鄉也

水經注

長門亭

漢書文帝出長門若見五人於道北立五帝壇

長安志○按亭在今

咸寧縣

霸陵亭

李廣家居數歲廣家與故穎陰侯孫屏野居藍田南山中

射獵嘗夜從一騎出從人田間飲還至霸陵亭霸陵尉醉呵止廣
廣騎曰故李將軍尉曰今將軍尚不得夜行何乃故也廣宿亭下

史記李
廣傳

朱博村

去杜祠三里朱博丞相故里也在華嚴寺下北倚少陵下

瞰終南

賈志

漢瓦

形制古妙工極精緻雖塵壤漬蝕殘缺漫漶破之如新人有

得其瓦頭者皆作古篆盤屈隱起以爲華藻其文有曰長樂未央

有曰長生無極有曰漢并天下有曰儲胥未央有曰萬壽無疆有

曰永奉無疆亦有作上林字者以是知古人製作不苟雖瓦甃必

有銘識不特彝鼎爲然

長安志

曲郵

在咸陽縣境漢書高帝征黥布張良送至曲郵

長安志

蕭城

在咸陽東北四十里漢高祖長陵之北世傳蕭何築城以守

長陵故名志

棘門 在咸陽縣東北十六里漢文帝後二年徐厲為將軍次棘門

孟康曰在長安北秦時宮門也長安志棘門在橫門外三輔黃圖

周氏陂 在咸陽縣東南三十里亦名周氏曲咸陽縣志周氏陂南一里

有漢蘭池宮李善文選注陂周十三里漢周亞夫有功遂賜此陂故地

以氏稱之括地志

正陽洞 在咸陽縣東四十里世傳漢鍾離脩道之處馬志

灞館 漢灞館王莽更曰長存館長安志○按三輔黃圖王莽更灞橋為長存橋館臨灞橋而設故名

亦因之

樊噲城 在興平縣南十里崇二丈西京雜記曰漢王襲雍王章邯

敗走廢邱城命將軍樊噲圍之於城西築臺以望今城南有武延

臺疑是長安志

小槐里 李奇曰即槐里之西城東有槐里城故以此城為小槐里

長安志

鴻門亭

即漢高祖見項羽之處在大道北下坂口

長安志

鴻門也者

麗山之北十里而新豐之東十九里也地有坂橫亘大道中鑿隧路以為門徑故曰鴻門其迹尚在不知何世立此闕隘也

雍錄

安幕拘

在臨潼縣東二十里

賈志

相傳漢高祖幸新豐安營幕於此

長安志

項王營

在臨潼縣東南十五里

馬志

露臺

師古曰今新豐縣南驪山之項有露臺鄉極為高顯猶有文

帝所欲作臺之處十道志曰漢文帝罷露臺於此然則驪山露臺

正文帝已有成基而惜費不肯竟役者也

雍錄

步昌亭

三輔黃圖曰成帝於霸陵北步昌亭起昌陵即武帝之廢

陵也長安志○按亭在今臨潼縣

三田村

在西安府臨潼縣田真兄弟分而復合荆花再生即此確

類書

昆吾亭

在藍田縣境漢宣帝霍皇后葬亭之東長安志

射鴈臺

在藍田縣北二十里漢將軍李廣之庄也廣屏居藍田山

下出獵見草中石以為虎而射之中石没羽今掛弓樹尚存地名

官庄

賈志

將帥堡

在藍田縣南白鹿原十里與蕢山相接前數里即長水漢

長水校尉屯兵之處

賈志

胡城

在渭南縣南十里舊說匈奴休屠王部落降漢築此城以居

因名

長安志

金氏陂

在故下邳縣東南二十里漢昭帝以金日磾有匡輔功賜

陂地數千畝雍大記云即渭南地薨賜冢地於此後人稱其陂曰

金氏陂

雍勝畧

樂視臺

在富平縣西南二十里世傳漢武帝遊樂其上今廢

賈志

任光故里

漢河陵侯石碑立鄜州南門外子孫甚蕃住羊村

延安府志

鄆塢城

在鄆縣東十五里漢董卓封鄆侯據此築塢高厚皆七丈

號曰萬歲城徙金銀雜物於內積三十年穀俗謂之小長安

雍勝畧

渭水東逕鄆塢南

水經注

龍門洞

在隴州西北一百五十里相傳為漢婁敬棲處

雍勝畧

拜將壇

在南鄭縣漢高祖拜韓信為大將處故基尚存

雍勝畧

藏劍岩

在褒城縣南二十里世傳漢高祖為王時藏劍於此

雍勝畧

棧道

在褒斜谷中漢張良說高祖燒絕棧道即此唐人詩梁州

嶺西棧道與雲齊

馬志

樊噲臺 在城固縣北十三里上容百餘人漢將樊噲築

雍勝畧

胡城 在城固縣西四十里張騫使匈奴與胡夷妻堂邑父俱還漢

中築城居之故名

雍勝畧

漢水自長柳渡又東逕胡城南

水經注

王陵故城

正義曰括地志云王陵故城在商州上洛縣南三十一

里荊州記云昔漢高祖入秦王陵起兵丹水以應之此城王陵所

築因名也

史記高祖本紀注

劉仲城

在郿陽縣西二里昔漢高祖兄劉仲封邑於此唐房彥謙詩

云千載遺跡寄薜蘿沛公鄉里漢山河長陵亦是閑邱隴異日誰

知與仲多

馬志

公孫庄

在邠州西南二十五里漢公孫賀故宅今謂之孫村

賈志

藏馬谷

在華嶽東漢武帝求仙於華山下造集靈宮存仙殿望仙

門有神馬自華山出帝令置內棧馬不久留令人尋之見在此山

下已通示 卷一三 三
谷中石龕下故名藏馬谷又曰藏馬龕東北澗中石馬跡尚存

勝

東鹵城 在蒲城縣南二十里漢書宣帝微時常困於蓮勺鹵中如

淳曰蓮勺有鹽池縱廣十餘里其鄉人名曰鹵中孟康曰蓮勺縣

西北也按漢蓮勺縣在此縣東南下邳縣界唐大德十二年東池

生瑞鹽後勅禁斷鹽不復生

雍勝畧

祭天金人

在甘泉山下

賈志

武帝元狩二年遣驃騎將軍霍去病擊

匈奴得休屠祭天金人祠諸甘泉以爲天神主

漢書郊祀志

龍尾墩

在淳化縣漢元封中大秦國貢花蹄牛色駁高六尺尾環

繞其身角端有肉蹄如蓮花善走多力武帝令輦銅石起望仙宮

牛跡在石上皆蓮花形陽關外故有花牛津輦得異石長十丈高

三丈立於望仙宮名龍鏟石武帝末石自陷入地尾出於上後人

呼為龍尾墩志

凍武地 在淳化縣北五十里以漢武帝避暑處故名淳化志

祈仙臺 在中部縣橋陵前漢武帝勒兵至朔方還祭黃帝於橋山

時所築雍勝畧

杏城 在中部縣西南五里相傳漢將韓胡伐杏木為柵以抗北狄

因名元和志

後漢

黃白城 在三原縣西南十五里後漢李傕亂政天子東遷三輔饑

歟乃移保黃白城即此地也元和志

馬融讀書臺 在藍屋縣東北二十七里按舊圖經曰後漢馬融讀

書所長安志

伏波村 在鳳翔府扶風縣伏波將軍馬援故居潛確類書

絳帳村

在扶風縣馬融嘗客此

潛確類書

即馬融傳經故宅遺址尚存

雍勝畧

回中城

在隴州西北四十里即漢來歙開道處

雍勝畧



駱谷道

在盩厔漢魏舊道也南通蜀漢魏少帝正始四年曹爽伐

蜀諸軍入駱谷三百餘里不得前進牛馬驢騾以轉運死畧盡少

帝甘露三年蜀將姜維出駱谷圍長城亦此道也

元和志

三交城

在寶雞縣西十六里司馬宣王與諸葛亮相拒所築

元和志

落星村

在岐山縣東五十里即蜀漢諸葛亮長星墜營處

馬志

曹操城

在漢中府城北一十七里漢末操自長安西臨漢中因築

城留夏侯淵等守之

馬志

漢樂二城

蜀志建興七年諸葛武侯徙府營於南山下原上築漢

樂二城通鑑築漢城於沔陽樂城於成固二縣屬漢中郡沔陽今

興元府西縣成固今城固縣故西樂城在西縣西南武侯所立甚

險固與地廣記城固縣蜀改為樂城

地理通釋

陳倉故道 在沔縣東北二十五里漢諸葛亮出散關圍陳倉曹操

自陳倉出散關即此

雍勝畧

八陣圖 在沔縣南定軍山下漢諸葛亮所作又有督軍壇鄉人言

每陰雨時聞有擊鼓聲

馬志

石馬城 在沔縣東二十里諸葛亮屯兵處

雍勝畧

伎陵城 在沔陽縣西五十里即木蘭寨蜀救孟達之所

雍勝畧

晉

星落石 在興平縣內晉穆帝時有星隕縣西南汧澤化為石色黃

白形如甕高五尺唐韓琬為興平令移置縣齋

賈志

淨土樹

在高陵縣南八里俗傳西域鳩摩羅什憇此覆其履土遂

生茲樹

二月開如楊花八月結寔狀如小栗殼中皆黃土

名山記

赫連臺

在涇陽縣西三十里

賈志

赫連勃勃駐兵所在今橋底鎮東

有遺址

賈志

甘泉城

在渭南縣北九十里俗傳赫連勃勃所築

馬志

魏王樓

姚萇兄姚襄所建今故址存四望俱石山奇峭如屏幃然

樓南有襄教軍塲考晉書襄招集北地戎夏歸附者五萬餘戶是

時北地正徙泥陽後襄與苻堅戰死三原萇僭號追謚襄為魏武

王至今稱魏王樓云三木門與天桃諸堡及九龍寨皆魏王故跡

九龍寨尚有寨門地牢故址相傳魏王立屯三百六十日宴一屯

給人馬食歲一週此其一也

耀州志

天活堡

在耀州水門西北十里四面皆石崖峻絕上有薪水可守

蓋魏王姚襄所營金陝西行省李興嘗避兵於此今其瓦礫堆積
遊者往往得遺鏃折戟雨後或拾銅錢金鏡古鏡諸物賈志

偽夏太后城 在洛川縣西三十六里赫連勃勃聞劉裕滅姚泓命

子義真等守長安大悅自將兵入長安留太后於此築城以居元和志

志○按洛交
在今鄜州治

吳兒城 在龍泉縣西北四十里初赫連勃勃破劉裕子義真於長

安遂虜其人築此城以居之號吳兒城元和志○按龍泉故縣
在今綏德州東三里

思鄉城 在藍田縣東南三十三里宋武帝征關中築城於此南人

思鄉因以為名元和志思鄉城一名柳城以城旁多柳故曰柳城長安志

志

魏

宋

逍遙觀 孝文帝嘗登此觀望逍遙園見嵯峨山慨然語左右曰望

見此山令人有脫塵之意

長安志

永安故城 在三原縣西北六十里杜寨北今考杜寨北小杜村西

北有故城城邊有唐貞元間碑載此地遺事今此地屬淳化其碑

嘉靖間爲淳化磨作儒學碑矣此地乃作鎮處杜寨則義柵所也

亦名鴻賓柵按地圖記後魏孝明帝孝昌三年蕭寶寅亂關右毛

遐鴻賓立義柵扞賊孝莊帝永安元年於此置北永州以洪賓爲

刺史俗謂之鴻賓柵孝武帝永熙元年徙北雍州於宜州仍於此

柵置永安鎮此其故城也

馬志

董龍社樹 在盤屋縣西南三十里舊圖經曰董龍盤屋人家貧村

社衆人祭社逐出之龍遂以泥造飯祭之後穿地得黃金因大富

遂名董龍樹

長安志

中華郡城 在富平縣西南三里石川河之陽後周閔帝置有二石

人卓立即郡門所在人稱為石婆婆原

賈志

隋

豐潤陂 在咸寧縣東北二十五里周六里後周太祖名為中都陂

隋文帝改今名

寰宇記

滋水驛

在咸寧縣東北三十里今廢

馬志

隋開皇十六年置

兩京道里記

在長樂驛之東睿皇在藩日經此廐之西壁畫一胡頭因題曰喚

出眼何用苦深藏縮却鼻何畏不聞香

南部新書

定官石 隋唐間隕於鄠縣人家園中化為巨石移府城九街唐時

舉人就試以鐵釘釘之驗其中否復置藩署以卜官曰官清者大

者釘之入否則弗入因號定官

鄠縣志

宜壽城 在盩厔縣南三十里即隋之宜壽宮城也

馬志

隋文帝莊 相傳在避暑宮以西漫無可考惟金大定二十七年重

修岱嶽廟記云古蹟則有隋文帝魏元成之舊莊今則失其處矣

澄城

志

看花臺 在同州城南相傳隋煬帝築之雒岸者下有蓮池上起馳

道今其址猶存

同州志

隋牛弘故居 在邠州西南六十里宜祿舊縣東進賢里隋吏部尚

書牛弘故居也俗呼相庄牛弘詩簷前無數好峰巒醉眼詩腸米

雪寒不換宜山真面目請君來此倚欄杆

邠州志

唐

洛女陂 在咸寧縣東十五里寰宇記洛女冢南有洛陂俗號洛女陂

三輔

舊事

乾湫 在神禾原皇甫村東舊傳有龍移去南山炭谷原湫水遂涸

故名乾湫

城南注

長樂驛 在咸寧縣東十五里今廢

馬志

郭子儀乾元元年破賊河上

遂朝京師詔百官迎於長樂驛帝御望春樓待之

大中記

韓莊

即韓退之城南雜題又送符城南讀書之地也庄在常曲東

皇子陂南引南陂水為南塘後為里人楊氏所有穿洞起閣引泉

落地孟郊張籍俱有遊韓庄詩

馬志

鄭庄

即鄭虔郊居在韓庄東南李商隱有過鄭虔舊隱詩

馬志

范氏庄

本唐杜佑郊居門人權得輿為之記唐舊史稱杜佑城南

有樊川亭有桂林亭卉木幽邃日與公卿宴集其間元和七年佑

以太保致仕居於此焉式方傳又云甲第在長安里杜城有別野

亭館林池為城南之最范公熙寧中自侍御史出買此庄於尚書

郎胡拱辰胡之前猶為杜氏有之自杜至范三易主矣今猶謂之

御史庄有溪榭崑軒江間圃堂林館謂之范公五居

馬志

員庄

員半千庄在焦戴川北枕白鹿原蓮塘竹徑醪醑架海棠洞

會景堂花塢藥畦碾磨麻稻里諺曰上有天堂下有員庄

長安志

金鑾坡

龍首山之支隴隱起平地而陂陀靡迤者也其上有殿改

名為金鑾殿故殿之旁坡亦遂名曰金鑾坡

雍錄

愴別里

吐蕃請婚中宗以所養雍王守禮女為金城公主妻之帝

為幸始平縣設殿帳於百頃泊側餞別因改始平縣為金城縣又

改其地為鳳池鄉愴別里

舊唐書吐蕃傳

靈符觀

天寶初桃林獲寶符將入城宿於此因置觀在長樂陂南

兩京道里記○按長安志觀在咸寧縣

渭城

咸陽縣之東境也唐世多事西域故行役者以出陽關為言

既渡渭以及渭城則趨王門陽關者皆由此始故王維詩隨地紀別而曰渭城陽關其實用霸橋折柳故事也

雍錄

馬嵬故城

在興平縣西北二十三里雍都西九十里城本是馬嵬

築以避難馬嵬者姓名也有驛楊妃死於驛白居易詩曰西出都

城百餘里

雍錄

貴妃粉出馬嵬坡上土白如粉塊婦女面有黑點者

以粉洗之即除

西安府志

李靖營

在臨潼縣東二十里

馬志

鹿臺城

在高陵縣南二十五里有果園名鹿苑唐析置鹿苑縣有

鹿臺祠在鹿苑原上百姓祈禱水旱有驗號鹿臺將軍元末李思

齊築城戍此

賈志

巢閣

在鄠縣西七里白樂天讀書處村名割耳莊有白沙諸泉長

安逸士張光裕滙泉為湖種竹十畝倚樹為樓高七丈故曰巢閣

馮恭定講學其上富平劉解元士龍有記紀其勝

賈志

石門精舍

在藍田山石門寺王摩詰嘗遊於此

西安府志

咽瓠泉

在藍田縣西北一十五里

長安志

李筌得陰符經讀數千遍

不曉其義入秦至驪山下逢一老母與說陰符之義袖中出一匏

令筌谷中取水瓠忽沉及還已失所在

授經碑記

青泥城

在藍田縣南七里按嶢柳城亦謂之青泥城即今縣是也

舊有青泥坊杜甫詩飯煮青泥坊底芹

西安府志

五郡城

在藍屋東三十里與古樓觀相近舊說兄弟五人共居此

城因以爲名後爲道觀有唐明皇碑

馬志

義亭城

唐開元間徙富平於義亭城即今舊縣地蓋古之鄉亭也

里曰義里在富平縣東北十里

賈志

魏徵故里

在富平縣境宗支碑石尚可誦讀有左右鵝鵬池

賈志

半日村 在渭南東五里新豐原寰宇記此村以山高蔽虧陽光僅

及其半唐郎士元爲渭南尉置別業於此村

賈志

白樂天故里 在唐下邳縣東紫蘭村有異花亭今考樂天渭村題

詠最多

賈志

杜甫川 在延安府城南七里西南折入四十里牡丹遍山谷樵者

採之爲薪歐陽永叔花譜所謂延安牡丹與荊棘無異者也甫避

亂寓此范仲淹大書杜甫川三字於川口

延安府志

賣酒樓 在鳳翔府寶雞縣陳倉城內自唐至宋屢更兵火獨此樓

存

潛確類書

端正樹 上發馬嵬行至扶風道道旁有花寺畔見石楠樹團團愛

玩之因呼爲端正樹

太真外傳

臨汧城 王承元爲鳳翔節度使於汧陽西北八十里築新城一所

賜額爲臨汧城鳳翔西接涇原無山谷之險吐蕃由是往往入寇
故承元奏於衝要築壘分兵千人以守之又鳳翔府城東商旅所
集居人多以烽火相驚承元益城以環之

冊府元龜

隴亭

在隴州隴山官道傍唐時已有此亭童謠曰秦隴無人塞草

腥將軍一去泣空營漢家天子東巡狩行到江南又起兵

雍勝畧

褒城驛

元微之爲御史奉使東川飲於褒城驛寶明府廳虞鄉黃

丞犯令逃去再使東川至褒城驛黃丞餽酒艤舟微之與同酌徧

問褒陽山水則褒姒所奔之城在其左諸葛所征之路在其右感

今懷古作詩贈黃曰昔年曾痛飲黃令困飛觥席上當時走馬前

今日迎迤邐七盤路坡坳數丈城花疑褒女笑棧息武侯征一種

埋幽石空聞千載名

本事詩

仙人洞

在商州西百一十里深五六丈石紋斑駁壁彩陸離似蓮

花石有滴水垂珠禱雨者以甌盛之得一二點即雨俗傳為湘子

洞官道北有湘子洞碑

商州志

乾坑 在同州西四十里唐李元諒敗李懷光於乾坑李克用自河

中屯乾坑敗黃揆於沙苑今名界溝以州西界也

同州志

白樓

同州有白樓唐賢眺詠之所令狐楚作賦刻其上

集古錄

烟入

白樓沙苑暮

白樂天詩

同家窪

少留同家窪

杜甫詩

即同州同谷窪

葉夢弼注

三曲城

在同州界地志三業城即此

馬志

鄭魏公莊

同州北境良輔鎮即唐鄭魏公莊也

畫墁錄

遊春亭

在鄭縣故城東北三里土人呼曰杜基蓋杜甫謫華州司

功嘗題詩其亭故也又東二里曰西谿其地勝絕人慕杜司功之

風遂名之為小曲江

雍勝畧

鄭縣亭子

郡志載鄭縣亭子在西溪爲今杜基者是按杜詩曰鄭

縣亭子澗之濱戶牖憑高發興新味憑高二字則非西溪可知也

又曰雲斷嶽連臨大路天晴宮柳暗長春杜詩注夢弼曰陝華間

有地名大路晉書檀道濟伐姚泓至潼關姚鸞屯大路以絕道濟

糧道是也長春謂長春宮在同州朝邑縣去鄭縣亭子才一舍由

此以論則鄭縣亭子當在華東渭濱之間又非西溪可知也西溪

曰杜基後人慕公而祠之鄭縣亭子即晉時高平亭必非西溪之

杜基矣又按儲光義過華陰詩有曰朝行敷水上暮出華山亭高

館宿初靜長亭秋轉空又按陝西通志有敷西城在華陰縣敷水

之西郭延生述征記以爲苻姚所置即其地也雍錄與明一統志

未及詳考郡志仍之得無未按地理乎

華州志

狐莊 在耀州西北窰洞飾以丹青人傳爲令狐綯山居明嘉靖

三十四年地震洞始圯父老言寺溝村有令狐氏祠堂七王廟側

有蓮池俱無跡賈志

太元洞 在華原東五里賈志唐孫真人思邈隱居所也往時遊者持

火可深入今崩礙不能行洞下有洗藥池二皆鑿石為者羅州志

折塘城 在鶉觚北五里唐太宗圍薛仁果於此雍勝畧

奉天故城 唐德宗建中元年術士桑道茂言陛下不出數年暫有

離宮之厄臣望奉天有天子氣宜高大其城池以脩非常乃命京

兆發丁夫數千推六軍之士築奉天城詔州鎮無得脩城毀其守

具潛確類書奉天城外象龜形內列六街名山記舊子城周五里羅城周

十里後子城刻堦今乾州城即羅城舊址乾州志

薛仁貴采地 在乾州東四十里至今名薛祿鎮乾州志

雙烈村 在乾州北門外唐竇氏雙烈女故居也即今竇村北門內

有雙烈坊即爲二烈女建

乾州志

相思舖

鄜州東百里有水名相思河傳舍曰相思舖令狐楚詩曰

誰把相思號此河塞垣車馬往來多只應自古征人淚灑向空川

作碧波

詩話
龜鑑

馬蹄石

在葭州西南二里舊城其石有馬蹄痕世傳秦王下馬跡

雍勝
畧

駱駝巷

在鄜州城西北三十里杜甫遊梅柯嶺往來止宿於此

詩話

府志

宋

長樂亭

在通化門外十里長樂坡宋陳堯咨守京兆時作每有迎

錢必至斯亭嘗作歌刻石亭中

馬志

林亭

亦曰三桂亭新說曰亭在長安城南滴水之陽宋諫議陳

公別墅三子堯叟堯佐堯咨同登科扁其亭曰三桂堯咨知永興
軍時題詩於碑有句云扶疎已問新栽竹清淺猶尋舊漱泉

馬志

玉峰軒

在興教寺北松檜半原地形高爽南對玉案峰宋元豐中

龍圖呂公祈禱太湫道經是寺登此崗南瞰玉案令僧創是軒爲
登眺之所權長安令陳正舉爲之記

馬志

雷簡夫隱居處

自石炭谷口穿雲渡水躡亂石冒懸崖行十餘里

數峯聳削蹬道之半有司馬溫公隸書二十八字曰登山有道徐
行則不困擇平穩之地而置足則不跌人莫不知之鮮能慎谷前
太乙觀有希夷先生所撰碑觀南爲故處士雷簡夫隱居之地

游城

南記

四馬務

在興平縣東南二十里一曰飛龍務次大馬務次小馬務

次羊澤務地凡三百七十一頃南渡渭河慶曆中爲營田尋罷之

其後民占佃簿籍散亡不復歸於有司

長安志

喜雨亭 在鳳翔府東北蘇軾判郡時建鑿池其南引流種樹為休

息之所自為文記之

馮志

井田 在郿縣東五十里橫渠鎮南宋張載所畫未就之井田也

馮志

天漢樓 在漢中府治東北子城上宋建王冲詩仰窺日月三千界

平見江山七十州

馮志

玉泉院洞 華山玉泉洞院有希夷先生睡像黃衣束緋儼乎如生

塑於先生存時元至正間宣撫王守誠嘗摹刻於石今樹洞中院

東巨石如削刻宋陳古靈詩

都穆游華山記

李公窰 在清澗縣東北百步相傳李顯忠母避雨窰內適生顯忠

紅光滿地後有棲者輒生疾不敢復居

延安府志

神公井 即石井

延安府志

神君世衡任鄜州從事建言延安東北有故

寬州請興之然處險無泉議不可守鑿地百五十尺始至石工徒拱手曰是不可井矣君曰過石而下將無泉耶攻其石屑而出之凡一畚償爾百金工復致力過石數重泉果沛發萬人歡呼曰神乎雖虜兵重圍無困渴之患矣復作數井兵民馬牛皆大足自茲西陲堡障患無泉者悉倣此

范文正公集

塵玉亭

在鄜州唐羅虬為鄜坊從事賦比紅兒百首末曰花落塵

中玉墮泥香魂應上窈娘堤欲知此恨無窮處長倩城烏夜夜啼

宋康識守鄜日因建亭取塵玉二字為名

馮志

元

清風臺

在寶雞縣東南六十里元真人邱處機所築西倚飛雲之

壁東臨漱玉之溪北跨渭濱南依山色中引清風故名呂希有記

馬志

張三丰遺詩處

在中部縣軒轅廟側玉皇廟東壁上碑記元至正

庚子三丰手題舊志載明永樂間三丰至廟索道士張清買瓜歸

則題詩壁上去矣

延安府志



